



四書圖考

貞

□ 12  
3327  
4

A vertical ruler scale from 0 to 10 inches. The numbers 4, 5, 6, 7, 8, 9, and 10 are in black. The numbers 40 and 50 are highlighted in red. An orange arrow points to the 5-inch mark.



昭和十八年  
六月二十日 購求

四書宮室圖考序

嘗聞宮者穹也穹隆然也室者實也人物充滿其中也此竹苞松茂君子所以攸寧鳥革翬飛君子所以攸躋由是定中揆日以順天時度原觀泉以擇地利縮版肯構以盡人功堂則七階九階七筵九筵定其制室則東南東北西南西北異其隅華麗則丹楹刻桷堅完則複宇重檐是豈徒一故之宮環堵之室惟吾德馨可禦風雨而已哉雖儀禮士昏禮曰夙夜毋違宮事詩幽風曰入此室處宮室固士民之所居然昏義曰天子后立六宮祭義曰卜三宮夫人大雅曰誰離在宮是朝稱宮也召南曰于以用之公侯之宮則廟亦稱宮也蔡仲之命曰以蕃王室周南曰王室如燭是朝稱室也考工記夏后世室註曰世室宗廟也則廟亦稱室也是編朝詳朝聘部廟詳宗廟部各以類從此卷惟載明堂學校館舍庫廩園囿廬肆之屬云爾自識

目錄

宣州太平縣杜炳雲巖氏學

男梓材校

宮室總畧

明堂

世室重屋

學

辟雍泮宮周立四代之學庠序校

冉子退朝

舍館

上宮

戶

牖

庭

屋漏

奥

竈

牆

蕭牆樹塞門屏

宇

巷

達巷黨人

臺

靈臺

管氏有三歸

園圃汙池沛澤

沼

文王之園

居蔡山節藻棁

長府

府庫

檻題

廩

瓦

畫墁

塗

市肆

堂室

宮室總畧



按上古之世穴居而野處冬則居營窟夏則居檜巢後世聖人以木處而顛土處而病然後爲之宮室上棟下宇以待風雨雖取諸大壯然皆審量日力詳度費務商豐約而折衷準當年以爲量曷嘗聞應門八翼璇臺九重表以百

四書圖考

卷之三

明堂

常之闕環以萬雉之墉同壤材以究奇抗應龍之虹梁列棼橑以布翼荷棟桴而高驤也哉故唐虞茅茨土階夏禹宮室卑鄙公劉取厲取鋸以成室太王陶復陶穴以爲家宮室崇而成湯自責戶牖銘而武王自懲椽斲而大夫勿襲張老以之戒趙孟宮成而諸侯必叛叔向以之諫晉平奈何侈土木之勝崇堂構之規峻宇雕牆極奇技之淫巧棟題畫棟窮匠氏之經營廊腰漫迴簷牙高啄覆壓百里隔離天日曾不思晉作臺祁而文悼之功不復振楚作章華而乾谿之變不旋踵魯築邱園蛇淵而民已勤吳作臺榭陂池而民已離管仲山節藻棁而器小貽譏莊公刻桷丹楹而僭侈已甚知襄成其室而士苗怪其不安孟獻美其宮而向成責其非望則爰居爰處何必幽闔重閨之壯麗矣夫惟君子以道德爲廣居以仁義爲安宅以詩書爲藩籬以學問文章爲堂構一欹之宮環堵之室晏如也草門圭竇甃牖繩樞翛然自得也



明堂稱名考 戶子曰黃帝曰合宮唐曰衛室虞曰總章商曰陽館考工記曰夏后氏世室殷人重屋周人明堂大戴禮盛德篇曰明堂外水曰辟雍又曰周名爲蒿宮  
明堂之制考 考工記曰夏后氏世室堂脩二七廣四脩一五室三四步四三尺九階四旁兩夾窓白盛門堂三之二室三之一殷人重屋堂崇三尺四阿重屋周人明堂度九尺之庭東西九筵南北七筵堂崇一筵五室凡室二筵大戴禮曰明堂凡九室一室有四戶八牖三十六戶七十二牖以茅蓋屋上圓下方白虎通曰明堂上圓法天下方法地八窓象八風四闈法四時九望法九州十二坐法十二月三十六戶法三十六雨七十二牖法七十二風許慎五經異義曰淳于登說明堂在國之陽三里之外七里之內丙巳之地就陽位毛奇齡曰堂環以水水環以墉大戴禮盛德篇曰周時德澤洽和萬物大以爲宮柱朱子明堂說曰論明堂之制者非一竊意堂有九室如井田之制  
明堂之用考 明堂位曰昔者周公朝諸侯於明堂之位天子負斧扆南鄉而立明堂也者明諸侯之尊卑也白虎

四書圖考

宮室



通曰天子立明堂者所以通神靈感天地正四時出教化宗有德重有道顯有能褒有行也毛奇齡曰明堂其所施用則一享上帝一朝諸侯以別尊卑一四時迎四氣一十二月朔各就其堂聽朔以頒政治一巡狩年四朝諸侯於方岳之下王方慶所謂天子行事一年十八度入明堂是也

明堂之地考 趙岐舊註曰太山下明堂齊侵地而得有之逸周書作洛解周公作大邑成周於土中乃位五宮太廟宗宮考宮路寢明堂四書索解曰四郊迎氣十二月聽朔鑄京自有明堂 欽定禮記義疏方明止一壇在王都則有事而會不協而盟築之巡狩至方岳南西朔三岳無明堂亦築之若洛邑泰山皆有明堂則不須築壇卽於太廟設方明行會盟四大廟受幣亦無不可也

明堂考 周官義疏 御案世室重屋其制不傳惟陳氏祥道禮書載此二圖於考工說亦未盡合存之以闕疑也至於明堂說者甚多大抵不外漢方士說卽有依考工記而爲之說者所謂九階四戶八牕又皆移世室重屋之制而歸之明堂似俱未協今合陳轂二氏圖而以朱子井田說增損之其四門三階則本之明堂位餘說雖繁不敢濫及堂當方此東西獨廣者匠人謂東西九筵合八丈一尺南北七筵合六丈三尺也○禮書曰明堂之名見於周頌孝經左傳孟子荀卿考工記禮記家語其制不見於經特考工記曰夏后氏世室堂脩二七廣四脩一五室三四步四三尺九階四旁兩夾窓白盛門堂三之二室三之一商人重屋脩七尋堂崇三尺四阿重屋周人明堂度九尺之筵凡室二筵此三代明堂之別也夏世室商重屋周明堂則制漸文矣夏度以步商度以尋周度以筵則堂漸廣矣夏言堂脩廣而不言崇商言堂脩而不言廣言四阿而不言室周言堂脩廣崇而不言四阿其言蓋皆互備鄭康成曰夏堂崇一尺商堂廣九尋理或然也月令中央太室東青陽南明堂西總章北元堂皆分左右各與太廟則五室十二堂矣明堂位前中階阼階賓階旁四門而南門之外又有應門則南三階東西北各二階而爲九階矣蓋木室於東北火室於東南金室於西南水室於西北土室於中央其外別之以十二堂通之以九階環之以四門而南門之外加以應門此明堂之大畧也大戴禮白虎通韓嬰公玉帶淳于登桓譚鄭康成蔡邕之徒其論明堂多矣特淳于登以爲在國之陽三里之外七里之內其說蓋有所傳然也何則聽朔必於明堂而玉藻曰聽朔於南門之

外則明堂在國之南可知成王之朝諸侯四裔之君咸列四門之外而朝寢之間有是制乎則明堂在國之外可知然大戴謂九室三十六戶七十二牖上圓下方公玉帶謂爲一殿居中覆之以茅環之以水設之以複道通之以橋鄭康成謂明堂太廟路寢異實同制蔡邕謂明堂太廟辟雍同實異名其豈然哉諸侯之廟見於公食大夫有東西夷東西夾而已天子路寢見於書亦東西房東西夾又東序西序東堂西堂而已則太廟路寢無五十二堂矣謂之明堂太廟路寢異實同制非也宗廟居雉門之內而教學飲射於其中則莫之容處學者於鬼神之宮享天神於人鬼之室則失之瀆袁准嘗攻之矣則謂之明堂太廟辟雍同實異名非也彼蓋以魯之太廟有天子明堂之飾晉之明堂有功臣登享之事乃有同實異實之論是不知諸侯有太廟無明堂特魯放其制晉放其名也四時之氣春爲青陽夏爲朱明秋爲白藏冬爲元英則青者春之色春者陽之中故春堂名之總者物之聚章者文之成故秋堂名之明者萬物之相見元者萬物之復本故冬夏之堂名之左右之堂曰个以其介於四隅故也中之堂曰太廟以其大享在焉故也明堂位言朝諸侯於明堂則然其言周公踐天子之祚負扆而受朝可知矣若曰周公代之而受朝則誤矣○曹氏曰趙岐孟子注謂泰山下明堂本周天子東巡守朝諸侯之處也齊侵地而得有之集注引用其說而又益以漢時遺址尚在句蓋據封禪書初天子封泰山泰山東北阤古時有明堂處至漢武帝時猶有遺跡也但按左傳隱公八年鄭伯使宛來歸祊不祀泰山也計爾時距東遷五六十年泰山下湯沐邑鄭尙能世守之則明堂仍爲周天子所有不知幾何時而爲齊得也文中子云如有用我者當處於泰山矣注云泰山黃帝有合宮在其下可以立明堂之制焉舜至岱宗其因乎黃帝之舊爲之與否既不可知而武王伐商肆觀東后所云建堂於東北阤者亦書無明文惟據明堂位周公朝諸侯於明堂成王令魯世世祀周公以天子之禮樂則泰山下明堂當卽周公朝諸侯之處其後元子就國卽爲魯宗祀文王之堂也孟子曰王者謂文王也文王曷稱王以行王政追王之也文王之政曷稱王以文王之治岐皆王政也孟子疏云泰山下明堂卽周公朝諸侯處蓋魯封內有泰山後爲齊所伐故齊南有泰山

是爲得之。葉文康公曰月令有春居青陽夏居明堂秋居總章冬居元堂中央居太室之文說者多疑呂氏之說爲妄及觀周禮有閏月詔王居門之文則知先王每月各有攸居順時布政皆於此乎出也蓋明堂有五室室有三居青陽總章元堂太室皆明堂也王者南面而立向明而治故總謂之明堂匠人曰夏世室殷重屋周人明堂鄭氏謂世室宗廟也重屋正寢也三代各舉其一明其制同也。天子十二月有常居閏月非常月則太史詔王居門終月說者謂聽朔於明堂門中退處路寢門中玉藻曰天子聽朔於南門之外是明堂在南門之外每月則聽朔於此又曰閏月則閨門左扉立於其中彼謂之立是閏月聽朔則立於明堂門中此謂之居是聽朔而退則居於路寢門中如此則明堂與路寢門相通故知其爲寢廟矣世室謂之宗廟重屋謂之正寢同此制也周禮十二月所居之制固無明文然上文曰頌告朔於邦國下文曰閏月詔王居門則知每月聽朔必於明堂而閏月則在門矣據考工記謂明堂五室專以五太廟言之也大戴禮謂明堂九室兼左右个言之也其實五室卽九室也陳氏禮書之論明堂備極明確但謂木室於東北火室於東南金室於西南水室於西北土室於中央蓋本鄭氏匠人註葉康公嘗辨其非矣階之數謂南北階東西北各二階而爲九階不必從當依明堂位作三階



學考  
辟雍泮宮 席序校 禮記義疏 御案王制天子曰辟雍諸侯曰頤宮鄭注尊卑學異名辟明也雍和也所以明和天下也頤之言班也所以班政教疏云明和天下者謂於此學中習學道藝使天下之人悉皆明達諸和也頤是分判之義故爲班於此學中施化使人觀之故云以班政教也。○靡澤名朱子詩註曰辟雍天子之學大射行禮之處也水旋邱如璧以節觀者故曰辟雍泮宮泮水之宮也諸侯之學鄉射之宮謂之泮宮其東西南方有水形如半璧以其半於辟雍故曰泮水而宮亦以名也考辟雍古無此名其制始於文王及周有天下遂以名天子之學而諸侯不得立焉形則辟雍圓而泮宮半之周立四代之學而此則其所謂周學也。○劉敞曰周人立四代之

學直謂一處並建四學耳周曰辟雍則辟雍居最中其北爲有虞氏之學其東爲夏后氏之學其西爲商人之學又以虞之庠建於黨故黨有庠以夏之序建於州故州有序以商之校建於鄉故鄉有校皆爲小學以教童子而已擇小學之秀者移之庠庠之秀者升之序序之秀者升之校校之秀者升之太學太學在郊○陳氏祥道曰四代之學虞則上庠下庠夏則東序西序殷則右學左學周則東膠虞庠而周則又有辟雍成均瞽宗之名則上庠東序右學東膠大學也故國老於是養焉下庠西序左學虞庠小學也故庶老於是養焉記曰天子設四學蓋周之制也周之辟雍卽成均也東膠卽東序也瞽宗卽右學也蓋以其明之以法和之以道則曰辟雍以其成其虧均其過不及則曰成均以習射事則曰序以糾德行則曰膠以樂祖在焉則曰瞽宗以居右焉則曰右學蓋周之學成均居中其左東序其右瞽宗此太學也虞庠在國之西郊則小學也○秦氏蕙田曰天子之學有五中爲辟雍亦曰太學天子視學則臨之其南爲成均亦曰南學學樂德樂樂舞樂語者居之成均者五帝之學也其北爲上庠亦曰北學學書者居之上庠者虞學也其東爲東序亦曰東膠亦曰東學學干戈羽籥者居之東序者夏學也其西爲瞽宗亦曰右學亦曰西學學禮者居之瞽宗者殷學也辟雍居其中四學環其外辟雍爲天子講禮之學雖世子齒學亦不得就焉四學爲學世子及學士之法故大司樂掌成均之法大司成論說於東序太師詔禮於瞽宗典書者詔書於上庠祭義言四學據世子齒學而言學禮言五學據天子入學而言其實一也以四學對辟雍則辟雍爲太學以郊外之學對四學則四學亦爲太學矣按陳氏所說祇有三學由不知成均與辟雍非一地又誤以上庠爲虞庠耳○陸氏佃曰天子立四學并其中學而五直於一處並建周人辟雍則辟雍最居中其南爲成均其北爲上庠其東爲東序其西爲瞽宗學禮曰帝入東學尚親而貴仁東序是也帝入南學尚齒而貴誠成均是也帝入西學尚賢而貴德瞽宗是也帝入北學尚貴而貴爵上庠是也帝入太學承師而問道辟雍是也若辟雍雖太子不得預太子入學學者所入之學也辟雍非其所學之官故云四學○陳氏祥道曰孟子曰夏曰校殷曰序周曰庠何也孟子因論井地而及此則校庠序者鄉學也鄉飲酒主人迎賓於庠門之外鄉簡不帥教耆老皆朝於庠則庠鄉學名也周官州長會民射於州序黨正屬民飲酒於序則序亦鄉學名也鄭人之所欲毀者謂之鄉校則校亦鄉學名也然鄉曰庠記言黨


有庠州曰序記言遂古術遂通用月令春端經術注云有庠何也古之致仕者教子弟於閭塾之基則家有塾云者非家塾也合二十五家而教之於閭塾謂之家有塾則合二十五黨而教之鄉庠謂之黨有庠可也周禮遂官各降鄉官一等則遂之學亦降鄉一等矣降鄉一等而謂之州長其爵與鄉大夫同賜遂之學其名與州序同可知也○蕙田曰以王制內則明堂位考之當云虞曰庠夏曰序而校無明文或云殷曰校想當然矣蔡氏謂縣鄙之學名校極是周之名周則鄉學曰庠遂學曰序州黨學亦曰序其鄙縣學蓋曰校何休曰中里爲校里屬於縣鄙則縣鄙爲校可知蓋兼三代之名命之○葉文康公云夏日校殷曰序周曰庠三代之有學尚矣周人兼立四代之學則其學政爲尤詳今觀其學之名校庠之名不見於周禮惟州黨之學則曰序國學則曰成均又曰瞽宗考之周禮鄉學惟州長合民於州序以教民鄉射之禮黨正屬民於黨序以教民鄉飲而已○春官大司樂掌建國之學政樂師掌國學之政大胥掌學士之版小胥掌學士之令是皆以教國之子弟何周人獨詳於國而畧於鄉學耶及以王制考之司徒論士之秀則升之學大樂正則崇四術立四教以造士而國之俊選咸造焉文王世子曰凡學世子及學士必時注樂而下皆樂官也樂師之教國子小舞大胥之致諸子合舞合聲小胥之令學士巡舞列籥師之教國子舞羽吹籥皆樂教也夫以學政掌於樂官者誠以教之以樂德則可以淑人之心教之以樂語則可以和人之聲教之以樂舞則可以善人之形樂之爲教其入人也深其化人也易是猶虞之胄子教於典樂殷之大學藏於瞽宗此成均學政所以掌於樂官也然而司樂之職是爲大宗伯之屬禮樂之相爲用不容以偏廢也司徒則以中禮和樂而爲教宗伯則以中禮和樂而爲防禮之爲教與樂並行亦如王制所謂樂正掌樂之官而曰教禮文王世子所謂瞽宗典樂之學而曰學禮此大司樂等官所以屬於禮官也大宗伯既有以全其中和於先財大司樂斯有以導其中和於後茲豈非禮樂之相爲用耶○陳氏祥道曰明堂位曰米廩有虞氏之庠也序夏后氏之庠也瞽宗殷學也頌宮周學也頌宮泮水也其制半於辟雍而水蓋闢於北方也諸侯樂縣闢其南而泮水闢其北者闢南而存北所以便其觀

四書圖考

卷之三

舍館 上宮

王



也闕北而示南所以便人之觀也。頽宮太學也。魯之太學在郊故將有事於上帝則於是先有事焉。然則序與瞽宗蓋亦設於頽宮之左右而米廩其公宮南之小學與。○秦惠田曰：魯立四學，其中爲泮宮。其北曰米廩，其東曰序，其西曰瞽宗。不立成均者避天子也。魯之四學在國中，故水經注云：靈光殿之東南卽泮宮也。宮中有臺，臺南水東西一百步，南北六十步。臺西水南北四十步，東西六十步。詩所謂思樂泮水也。杜佑通典云：魯郡古魯國有泗水，泮水出焉。建宮於上，名爲泮宮。其不在郊外明矣。南郊與泮宮何必在一處？詩云：魯侯戾止，何必定往郊外？諸儒強以爲太學在郊之證皆不然也。○按：諸侯學制見於經傳者，惟魯爲詳。鄭氏因謂諸侯惟立時王之學，有功德者得立三代之學。今考文王世子稱王，命公侯伯子男反養老於東序，是諸侯皆有東序。又稱始立學者必釋奠於先聖先師，釋奠者當於西學，則諸侯皆有瞽宗，惟上庠之有與否則不可知耳。諸侯亦有小學，殷制在國中，周制在郊。

冉子退朝考 論語冉子退朝集註云：季氏之私朝。按：大夫二門則私朝，當在大門之內寢門之外。秦氏蕙田曰：玉藻揖私朝，輝如也。鄭注私朝大夫家之朝。蓋卿大夫有家臣，則必有朝家臣處。有家事，則必有合家事處。其有私朝當在大門內寢門外，而陳祥道禮書謂卿大夫有二朝，蓋據國語自卿以下合官職於外，朝合家事於內，朝數語不知卿大夫無二朝也。故萬充宗謂卿以下二朝乃衰時之變禮，敬姜之語非先王之制。方氏觀承曰：朝者，以下事上之通稱；內則子事父母，亦曰昧爽而朝。惟天子得備其制，故其朝也有地，有時，有器，有官，而朝之典綦重下此。則聽其自相朝而不爲之制。大率大夫士隨其時與地與其下相見，卽謂之朝。非當寧之比是大夫之朝與內則之朝無異，則有其名而不干其制。故冉子退朝，夫子不以爲非。按：方氏以朝作活字，不指朝家臣之地。言與集註異。

舍館考 開元文字曰：館者賓客之舍也。有積以待朝聘之官也。客舍逆旅名候館也。公館者公所爲也。私館自卿

大夫以下之家所爲。


上宮考 趙氏岐曰：上宮樓也。詩曰：要我乎上宮。周禮地官曰：遺人五十里有市，市有候館。注云：候館，樓可觀望者。未註則以上宮爲別宮名。按：四書質疑云：滕以慕爾之國未必有別宮。且儒行云：儒有一畝之宮，是宮亦居室之通稱，不必國君始稱宮也。

戶考 繹名曰戶護也。所以謹閉塞也。秦惠田曰：易曰：不出戶庭，又曰：關戶。謂之乾閨戶。謂之坤一扉爲戶，兩扉爲

門。故戶陽而門陰。六書精蘊云：戶室之口也。古人堂內爲室，室東南啟一扉，曰戶。戶之制隨室而移。詩西南其戶疏云：在北者，南戶在東者，西戶。廟之室在堂北，南向有牖，故知爲東西戶也。玉藻君子居恒當戶，檀弓當戶而坐。注謂當戶向明，非是。蓋戶開則直，東南隅之壁尊者，居主奧適與戶相對，故曰當戶，而坐坐於與也。所以居恒當戶也。

牖考 說文曰：牖，以木爲交牕也。古者一室一戶，一牖又曰：日在牆。牖者，更以木爲交牕也。古者一室一戶，一牖又曰：日在牆。牖，論語自牖執其手集註曰：禮病者居北牖下，君視之，則遷於南牖下，使君得以南面視已。禮喪大記曰：疾病外內皆埽。君大夫、微縣士去琴瑟寢，東首於北牖下。鄭注曰：外內埽爲賓客來問病也。東首北牖下，謂君來視之時也。病者恒居北牖下，或爲北墉下孔疏曰：病者雖恒在北牖下，若君來視之，則暫時移向南牖下，東首令君得南面而視之。儀禮士喪禮曰：堂中北牆謂之墉。仁山金氏曰：墉當作墉蓋。室中北墉南牖墉牆也。古人室北牆上起柱爲壁，雖壁間西北角有小圓牕，名牕，謂之屋漏，然無北牖之名。


**庭考** 我陳也唐也堂下也階前也皆謂庭也詩小雅胡逝我陳傳云陳堂塗也陳風中唐有嬖傳云唐堂塗也爾雅廟中路謂之唐堂塗謂之陳唐與陳皆堂下至門之徑特廟堂異其名耳考工記匠人堂塗十有二分鄭注謂階前若今令嬖械也賈疏漢時名堂塗爲令嬖械令嬖則今之塗也嬖則塗道也



**星漏考** 疏云古者爲室戶不當中而近東則西南隅最爲深隱故謂之奧而祭祀及尊者常處也曲禮凡爲人子者居不主奧是也○凡祭五祀於廟用牲有主有戶皆先設席於廟門內西室之奧東面祀竈設主於竈脰乃制肺及心肝爲俎奠於主西又設盛於俎南祭黍肉醴旣三祭移主於初設奧之筵上乃出戶迎戶入卽席而坐

**竈考** 程名曰竈造也創造食物也月令注曰夏祀竈祭先肺火灶金也王制大夫祭五祀而竈與焉祭法庶人一祀或戶或竈禮器曰臧文仲燔柴於爨孔子曰爨者老婦之祭也盛於盆尊於瓶按虞先中雷夏先戶殷先門周人先竈或祭先脾或祭先心惟祭先肺之竈有特敬或主北鄉或主南鄉淮主西鄉之竈有常尊此媚竈之說所由來

也又按月令以五祀爲戶竈中雷門行白虎通及劉昭范蔚宗以五祀爲戶竈中雷門井楊慎云井卽行也行者井間道八家同井井有八道八家所行也陳祥道曰門戶人資以出入中雷人資以居井竈人資以養先王祀此所以報之也



**牆考** 按廟制都宮四面皆牆舊圖所謂垣宇四周是也論語夫子之牆下文云宗廟百官指此士庶室外四面亦有牆詩小雅徹我牆星書梓材旣勤垣墉禮儒行儒有環堵之室孟子段干木踰垣而辟及踰牆相從自是確證論語賜之牆也及肩下云室家當是指士庶之牆孟子修我牆星論語糞土之牆當是室外之牆若非室外之牆何至與薪木相連又何至有糞土論語正牆面而立語意本書周官自是兼指堂上之牆都宮之牆及士庶門外之牆論語蕭牆釋名云蕭蕭也鄭元曰謂屏也君臣相見之禮至屏而加肅敬焉是以謂之蕭牆

**屏考** 按屏有在門外者有在門內者有在廟者有在田獵之處者屏又謂之樹又謂之蕭牆今或謂之罘思陳氏祥道曰古者門皆有屏天子設之於外諸侯設之於內禮臺門而旅樹旅道也當道而設屏此門外之屏也治



朝在路門之外天子當寧而立寧在門屏之間此路門外之屏也魯廟疏屏天子之廟飾此廟門之屏也月令天子田獵整設於屏外此田防之屏也爾雅曰屏謂之樹論語曰吾恐季孫之憂在蕭牆之內則屏謂之樹又謂之蕭牆漢之時東闕栗思災鄭康成釋明堂位曰屏若今浮思釋匠人曰城隅角浮思孔穎達謂浮思小樓城隅及闕皆有之而屏亦然則屏又謂之浮思孔子以管仲樹塞門爲不知禮禮記以旅樹爲大夫之僭而禮緯謂大夫以簾士以帷於理或然天文屏四星在端之內近右執法然則先王設屏非苟然也

寧考出註江氏慎修曰寧有二義齊風侯於著此是有堂之星以門內兩塾間爲寧鄭注聘禮大夫揖入省內事卽省俟於寧是也一是路門外視正朝人君所立處近路門屏設於正門天子以應門爲正門屏在應門外諸侯以雉門爲正門屏在雉門內路門之外屏之內宁位在其間其實宁近門而遠屏未可泥門屏之中間以求之也蓋人君所立位之南羣臣甚多故宜去屏遠邢氏謂路門之外屏樹之內得之

巷考學記疏曰周禮二十五家爲閭同共一巷巷首有門詩傳曰巷里塗也太平寰宇記曰陋巷在曲阜縣城西南二里孔子廟北二百步


達巷黨人考前漢書董仲舒傳曰達巷黨人不學而自知孟康注曰達巷黨人項橐也劉向新書曰項橐七歲爲聖人師鄭

康成論語注曰達巷者黨名也五百家爲黨此黨之人美孔子博學道藝不成一名而已曾子問曰昔者吾從老聃助葬於巷黨注云巷黨黨名



靈臺考爾雅曰四方而高曰臺釋名曰臺持也言築土堅高能自持勝也孔氏穎達曰靈臺在國之西郊與辟雍同處三輔黃圖曰靈臺在長安縣西北四十里靈沼在長安縣西三十里左傳曰秦獲晉侯歸乃舍諸靈臺杜注云在京兆鄴縣四書釋地曰括地志辟雍靈沼今悉無復處惟靈臺孤立高二丈周回一百二十步是周靈臺至唐太宗時猶存爲臺沼是作邑於豐時事非初治岐山事也豐去岐山三百餘里漢武建元中舉籍蓋厓鄴杜除以爲上林苑屬之南山卽其處六韜曰文王旣出羑里周公旦築爲靈臺易乾鑿度曰文王二十九年伐崇作靈臺受赤雀

丹書劉向新序雜事篇曰周文王作靈臺及爲池沼掘地得死人之骨吏以聞文王曰更葬之天下聞之曰澤及朽骨又況於人乎  
管氏三歸考註云包曰三歸娶三姓女婦人謂嫁曰歸邢昺疏曰禮大夫雖有妾媵嫡妻唯娶一姓女今管仲娶三姓之女故曰有三歸漢書地理志曰身在陪臣而取三歸戰國策曰桓公宮中女市女閭七百國人非之管仲故爲三歸之家以掩桓公韓非子曰管仲相齊曰臣貴矣然而臣貧桓公曰使子有三歸之家曰臣富矣按以上皆以三歸爲娶三姓女○備考曰管仲相齊曰臣貴矣然而臣貧桓公曰使子有三歸之家曰臣富矣按以上皆以三歸爲娶三姓女○備考曰管仲相齊曰臣貴矣然而臣貧桓公曰使子有三歸之家曰臣富矣按以上皆以三歸爲娶三姓女是僭也非奢也此對上儉乎一問是說奢下節纔說僭按以上皆從集註以三歸爲臺名周氏柄中曰陳心叔云一統志三歸臺在東平州東阿縣西二里今之東阿卽古阿邑乃衛地故知東阿三歸爲妄愚按莊十三年公會齊侯盟於柯杜註此柯今濟北東阿齊之阿邑其殆臺之所在與



圖書圖

宮室

園囿汚池沛澤

文王之囿 居蔡山節藻棁

國囿汚池沛澤考

周禮

說文

樹果曰園樹菜曰圃

養禽獸爲園樹桑穀爲苑周禮天官曰囿人掌囿游

之獸禁註云囿御苑也游離宮也詩正義曰有蕃曰

園有牆曰囿左傳疏曰天子曰苑諸侯曰囿淮南子

曰湯始作囿以奉宗廟犧鮮之具公羊傳注云草棘

曰沛周語云澤水之鍾也風俗通曰沛者草木之蔽

茂禽獸之所匿也水草交厝名之爲澤言其潤澤萬

物以阜民用泰誓曰受惟陂池小雅曰魚在於沼召

南曰于沼于沚左隱三年曰澗溪沼沚之毛沼蓋池

之曲者也

文王之囿考 按周禮 固人掌囿游之獸禁鄭注云囿游固之離宮小苑觀處也賈疏云孟子文王之囿方七十里是田獵之處今此云禁故知非大囿是小苑觀處也此段注疏極好足見文王之囿是任衆庶田獵處故民以七十里爲小齊宣王之囿是游觀之禁地不任衆庶田獵殺麋鹿如殺人之罪又非如先王禁之而已民安得不以四十里爲大乎又按四書釋地云文王固七十里或據穀梁傳所云里數計今之六十二里遂當古之百里故左傳邾子謂吳二千里不三月不至今自蘇州至鄒縣僅一千五百里則周時七十里之囿今僅四十三里參以毛詩傳囿所以域養禽獸諸侯四十里恰合此說又以文王之囿爲小苑觀處誤矣不若何義門讀書記曰周都岐山下大約七十里之內皆岡嶺陵麓爲多故四時之田在其中因而名之曰囿非規其地以養禽獸恣游觀也若靈囿則在辟雍之傍不過一射圃耳與齊之囿名同而實異其說是也

居蔡山節藻棁考 蔡詳器用部 周禮春官曰龜人凡取龜用秋時攻龜用春時各以其物入於龜室禮明堂位曰山節藻棁天子之廟飾也鄭註云山節刻欂櫨爲山也藻棁畫侏儒柱爲藻文也孔疏云欂櫨今之斗拱侏儒柱梁

上短柱也鄭氏曰邊栱謂之節宮室之飾士首本大夫達稜諸侯斲而礪之天子加密石焉無刻畫山藻之理廣雅曰楹謂之柱爾雅釋宮曰床席謂之梁其上楹謂之棁郭璞注曰棁侏儒柱案卽櫨皆謂斗拱也論語註云包曰蔡國君之守龜出蔡地因以名焉長尺有二寸居蔡僭也邢疏曰漢書食貨志云元龜爲蔡家語稱漆雕平對孔子云臧氏有守龜其名曰蔡文仲三年而爲一兆武仲三年而爲二兆是大蔡爲大龜蔡是龜之名耳鄭元包咸皆云出蔡地因以爲名未知孰是食貨志云龜不盈尺不得爲寶故此龜長尺二寸

長府考 左昭二十五年公居於長府通考曰春秋於長府不書必閔子諷諫之力

府庫考 左傳疏曰府寶藏貨賄之處庫軍馬兵甲之處曲禮曰在府言府在庫言庫天官太府掌九賦九貢九功之貳以受其貨賄之入頒其貨於受藏之府頒其賄於受用之府凡官府都鄙之吏及執事者受財用焉玉府掌王之金玉玩好兵器凡良貨賄之藏內府掌受九貢九賦九功之貨賄良兵良器以待邦之大用外府掌邦布之入出以共百物而待邦之用曲禮曰天子之六府司土司木司水司草司器司貨典司六職釋名曰庫舍也言物所在之舍也說文曰庫兵車所藏也府文書所藏也蔡邕月令章句云一曰車庫二曰兵庫三曰祭器庫四曰樂器庫五曰宴器庫月令曰仲春令百工審五庫之量金鐵皮革筋角齒羽箭幹脂膠丹漆毋或不良

棟題考 趙岐註曰棟題屋雷也四書質疑云按說文雷屋水流也从雨雷聲月令其祀中雷註猶中室也以屋雷

釋棟題誤矣朱註棟桷也題頭也蓋謂屋簷之椽頭長數尺耳按屋簷下之椽頭長數尺則四垂之軒張深邃可知所以爲奢汰

廩考 曲禮曰君子將營宮室宗廟爲先廩庫爲次左襄三十一年庫廩繕修穀梁僖二年取之中廩而置之外廩戰國策曰狗馬賓外廩春秋莊二十九年春新延廩穀梁曰延廩者法廩也周禮天子十二閑馬六種邦國六閑馬四種家四閑馬二種每歲爲雜記曰廩焚孔子拜鄉人爲火來者士一大夫再亦相弔之道也

瓦考 古史考曰昆吾作瓦儒行曰毀方而瓦合陶者爲瓦必圓而不失其瓦之質史記曰天下之患在土崩不在於

瓦解阿房宮賦曰瓦縫參差多於周身之帛縷

四書圖考

宮室

畫墁 廛

大

畫墁考 趙岐註曰畫地則復墁滅之四書質疑曰按此云畫地而墁滅之不若朱註以墁爲牆壁之飾而畫損之爲顯明通暢也



民居	民居	民居
廩 庫 庫	王宮	宗廟
社稷	朝	

左右各三區  
之民居亦名  
廩願受一廛  
而爲氓是也

廩考 夫里之布 舊說後市之廩乃廩而不征之廩左右各三區之廩乃廩無夫里之布二廩字均爲在市之宅孟子所以分作兩條說者是見當時待商有此兩層事廩與貨而言市廩乃公家聚貨處例應輸租如逐末者多則收其地租屋租以愛其罰而不征物稅所謂廩而不征也如逐末人少則并地租屋租皆不取以示之恩但令司市以法察其詐僞禁其侈靡戢暴而去盜所謂法而不廩也周禮廩入掌斂市紵布地廩布屋入於泉府則既賦其廩矣乃或因其不事田產曰此閭師所云民無常職令出夫布不知戀遷有無非不事常職者也又見其不種桑麻曰此載師所云宅不毛者令出里布不知藏貨之地固不可以樹藝也惟農不農工不工賈不賣而常爲轉移執事之人命曰閒民使出夫布閭氏征之蓋有常職者責其物無常職者責其身此先王公平之政也宜桑不桑宜麻不麻宜蔬不蔬而或侈爲臺榭游觀之樂是爲棄地使出里布載師征之蓋國宅無征而曠宅亦有罰不樹無稅而不毛亦有懲此周官激厲之方也此不獨懲游惰兼以抑豪奢若市商日民爲媿汪武曹曰按前註云廩市宅也後註云市宅之民已賦其廩則朱子之意明以兩廩字皆爲後市之廩不征之廩與廩無夫里之布二廩字均爲在市之宅孟子並征已不是又舉先王所以罰游民者并取之故先說那稅商處不是見得意思未盡又說那并取不是不必以日

○按都邑亦以井爲規其中爲王宮其前爲朝左宗廟右社稷其後爲市四面皆有門商賈百物至此貿易而市官爲之治其爭亂并譏察異言異服之人市地爲廩貿易者所居也其外六區皆民居一日民廩卽農夫二畝半在邑及商賈之家所住者周禮載師國宅無征許行廢受之廩卽此則夫布里布原民居所無孟子所謂廩無夫里之布斷指上文市廩而言市廩乃公家聚貨處例應輸租如逐末者多則收其地租屋租以愛其罰而不征物稅所謂廩而不征也如逐末人少則并地租屋租皆不取以示之恩但令司市以法察其詐僞禁其侈靡戢暴而去盜所謂法而不廩也周禮廩入掌斂市紵布地廩布屋入於泉府則既賦其廩矣乃或因其不事田產曰此閭師所云民無常職令出夫布不知戀遷有無非不事常職者也又見其不種桑麻曰此載師所云宅不毛者令出里布不知藏貨之地固不可以樹藝也惟農不農工不工賈不賣而常爲轉移執事之人命曰閒民使出夫布閭氏征之蓋有常職者責其物無常職者責其身此先王公平之政也宜桑不桑宜麻不麻宜蔬不蔬而或侈爲臺榭游觀之樂是爲棄地使出里布載師征之蓋國宅無征而曠宅亦有罰不樹無稅而不毛亦有懲此周官激厲之方也此不獨懲游惰兼以抑豪奢若市商日民爲媿汪武曹曰按前註云廩市宅也後註云市宅之民已賦其廩則朱子之意明以兩廩字皆爲後市之廩不征之廩與廩無夫里之布二廩字均爲在市之宅孟子並征已不是又舉先王所以罰游民者并取之故先說那稅商處不是見得意思未盡又說那并取不是不必以日

廩之民非閑民又非棄地焉得有夫布里布哉○按地官載師掌任土之法以廩里任國中之地又曰園廩二十而一此廩之本征也廩人掌斂廩布而入於泉府此亦廩之本征蓋商民已賦廩之本征不應又令出夫里之布也載師凡宅不毛者有里布宅不種桑麻者罰以一里二十五家之泉凡田不耕者出屋粟空田者罰以三家之稅粟凡民無職者出夫家之征民有閑無家稅朱子曰此待士大夫之有土者宅不毛爲其爲亭臺田不耕爲其爲池沼凡民無職事此是大夫家所養浮泛之人也閭師凡無職者此卽大宰閑民無常職轉移執事者也出夫布江慎修曰載師夫家之征所以罰游惰閭師夫布則傭力之人常賦也孟子本文不云夫征當引閭師釋夫布集註並引載師似誤



市肆考 周官義疏曰大方爲一肆小方爲屋一間二十間而爲一肆二十肆中間虛地思次也其間坊路相通所以行車及人之出入也繫辭傳曰神農氏作日中爲市致天下之民聚天下之貨交易而退各得其所蓋取諸噬嗑日中爲市上明而下動又借噬嗑爲市噬嗑爲合也

朱子儀禮釋宮曰堂之屋南北五架中脊之架曰棟次棟之架曰楣楣後以北爲室與房賈公彥曰楣前接簷爲廩

四書圖考

卷之三

禮鄉飲酒義洗當東榮集說曰榮屋翼也朱子釋宮又曰人君左右房大夫士東房西室而已一云大夫士亦有左右房室南其戶戶東而牖西戶牖之間謂之扆戶東曰房房中半以北曰北堂有北階堂之上東西有楹堂之東西牆謂之序序之外謂之夾室夾室之前曰箱亦曰東堂西堂東堂下西堂下曰堂東堂西堂角有坫堂之側邊曰廉升堂兩階其東階曰阼階堂下至門謂之庭三分庭一在北設碑堂塗謂之陳門之中有闌門限謂之闌闈謂之屏夾門之堂謂之塾人君之堂屋爲四南北東西皆有雷者屋水流也注雷大夫士則南北兩下而已

涇縣雙桂齋湯鼎臣鑄

四書器用圖考序

周易繫辭傳曰備物致用立成器以爲天下利莫大乎聖人是故規之圓以象天矩之方以象地繩直長高以象巽取諸隨而爲車取諸渙而爲舟取諸益而爲耒耜取諸小過而爲臼杵取諸離而爲網罟取諸睽而爲弧矢此聖人制器尚象取類稱名神而化之使民宜之者也豈特如禮器所云觀其器而知其工之巧哉是編先詳車制以輶軶言人人殊初學心目易亂茲先遵 欽定繪一圖以定適從次分別衆說各立一圖令人曉然知輶軶之形狀并盡知諸家所說輶軶之形狀復詳載大車小車之所由制任載車田車兵車乘車之所由分同車異名之所由辨與夫控御之方策綏之用而車之典實粗具矣由是悉登衆器於後其形制考證未敢私心自用若夫圭璋琥璜等器載朝聘部正鵠決遂等器載禮射部干戈戚揚等器載武備部羽旄鐘磬等部載音樂部籩豆鼎俎等器載祭祀部物以類從不容紊也自識

目錄

宣州太平縣杜炳雲巖氏學	男梓材校
器用總畧	車總畧
大車轂輻牙	大車轅箱
大車異名	小車轂輻牙
衡	輿
蓋	小車之制
車戰之法	兵車
駕馬異同	田車
升車	乘車
軌	五轍先後之宜
蓍	輶策
	軌
	城門之軌
	桴
	符節
	鼎
	簋
	出註

四書圖考

呂月

總畧 車總畧

上

卷之三

印  
記

也

正治作

立申

類萬物之情制器尚象利民之用類族辨物備人之需如車馬取隨舟楫取渙耒耨取益杵臼取小過網罟取離之屬所爲立成器以爲天下利者固已纖悉無遺矣器有本於地氣者青州之怪石徐州之浮磬揚州之齒草羽毛荆州之礪砥砮丹揚州之銀鏤璆鐵雍州之球琳琅玕是也器有因乎天時者春器疏以達夏器高以粗秋器廉以深冬器宏以奄中央器圓以宏是也器有守於先君者西序之赤刀宏璧東序之夷玉天球西房之大貝叢鼓東房之倕矢和弓是也器有分乎緩急者家造祭器爲先養器爲後大夫祭器未成不造燕器是也器之侈者玉杯象箸器之樸者土簋瓦鉶器之貴者瑚璉簠簋圭璋璧琮器之賤者豆區釜鍾筐筥錡鬻而其至卑且狹者莫甚於斗筲易繫辭傳曰形而上者謂之道形而下者謂之器樂記曰德成而上藝成而下學記曰大道不器是道與器頓殊矣然道非器而必託于器如玉帛非禮不可無玉帛鐘鼓非樂不可無鐘鼓道託于器而後行器本於道而無弊故南軒張氏謂在道不淪于無在器不滯於有也

是乃曲其軺其車圓而爲輪方而爲輿曲而爲軺皆有制度運而無窮無作則止者輪也掬之乎上拱之乎下者輿也載欲準行欲利以需爲病以覆爲戒者軺也輪以進輿以載軺以服三者備然後行故兵車乘車之輪各六尺有六寸田車之輪六尺有三寸轂以利轉輻以直指牙以固抱轂之材中以虛受軸大穿爲賢小穿爲軺外以實受輻故二分在外一分在內轂之末則軺是也轂之約則篆是也輻之近轂則謂之股近牙則謂之骭股入轂中謂之苗駁入牙中謂之蚤夫牙之材或謂之渠其大足以抱輻故也或謂之揉揉木以爲之故也轂又有草以輓之輻又有縷以固之牙又有漆以飭之此輪之制也卽輿以考之兩轔上出式者較也較下橫一木者式也軺則騎之植者以其旁止於此故曰軺轔則式之植者對人而言故曰轔枕輿下則曰軫式前橫木則曰軺此輿之制也卽軺以考之國馬之軺深四尺有七寸田馬之軺深三尺有三寸適當伏兔圍在前持衡則爲頸圍在後承軫則爲踵圍此軺之制也且輪之中有軸所謂軸有三理也輿之下有轔又名轔又名伏兔所謂加軫與轔是也軺之前有衡所謂衡任是也軸末則有轉大車軺端則曰輓小車軺端則曰軺其車有長轂者有短轂者有杼輪者有反杼者有仄杼者有兩輪者有四輪者有有轄者有無轄者有曲轄者有直轄者有一轄者有兩轄者有直輿者有曲輿者有廣箱者有方箱者有重較者有單較者或駕以馬或駕以牛或挽以人或飾以物或飾以漆或樸以素皆因宜以爲制稱事以爲之文也

因宜以爲制稱事以爲之文也


大車小車 車制來歷 易繫辭下傳曰服牛乘馬引重致遠以利天下蓋取諸隨上說周官攷工記曰周人尚輿故方杓主曲車制法此譙周古史考曰黃帝作車少昊時加牛堯形車而乘白馬有虞氏因形車而制鸞車夏禹時奚仲駕馬廣車之制度禹車正風俗通曰黃帝戰蚩尤於涿鹿常有五色雲氣金枝玉葉止於帝車因作華蓋

大車小車 駕牛馬通變 周官義疏車人職 御案馬車之轅曲而向上以馬頸高也牛車之轅直而平以牛頸低也又曰馬車二馬可駕加兩驂則爲四再加之則爲五爲六如干旄詩所言及夏書馭六馬是也牛車一牛當轅若重載力不能勝其前及左右自可遞加數牛而以索屬之


四書圖考

器用


大車轅箱 大車駕牛 大車之制



大車  
轂



大車



大車  
轂

大車之制考

周官攷工記

軒人今夫大車之轂擊低其

登又難既克其登其覆車也必易此無故惟轂直且無橈

也是故大車平地旣節軒擊之任及其登地

必縕其牛此無故惟轂直且無橈也故登地者倍任者也

猶能以登及其下地也不援其邸車廂必縕其牛後此無

故惟轂直且無橈也

此皆借牛車之轂以明小車之轂不

可不曲意非謂牛車之轂亦當曲也

惟轂直且無橈也



惟轂直且無橈

四書圖考

呂月

小車轂輪軸

三




輪考 禮書曰輪人爲輪斬三材必以其時轂也者以爲利轉也輻也者以爲直指也牙也者以爲固抱也故察車自輪始蓋輪之制視馬以爲之高下視地以爲之厚薄兵車乘車駕國馬田車駕田馬國馬之輶深四尺有七寸故兵車乘車之輪皆六尺有六寸田馬之輶深四尺故田車之輪六尺有三寸行澤者必削其踐也故杼之然後塗不附行山者欲必等其上下故侔之然後鑿不巍不特此也行澤者欲短轂行山者欲長轂行澤者仄輶行山者反輶其行也有輔傳所謂輔車相倚是也其止也有輶說文所謂柂是也轂以火則陰陽齊牙以火則內外善輶以水則平沉均轂以柔則廣深同可規可寓可水可縣可量可權謂之國工則車所任者在輪而已觀輪扁之斲輪徐而弗甘直而弗苦得之於手應之於心扁不能以語其子其子不能得之於於扁則輪之難工可知矣

The diagram illustrates various parts of a 車輶 (wheel hub) with labels in traditional Chinese. At the top right, a small 車輶 is shown with labels: '軸' (Axle), '設轎' (Setting up the hub), '置伏免' (Placing the hidden hub), '置轉免' (Placing the hidden wheel), and '軸貫兩輪' (Axle passing through two wheels). Below it, a larger 車輶 is labeled '軸' (Axle), '賢' (Xian), and '輶' (Hub). The middle section shows a side view of a 車輶 with labels: '軸前' (Front of the axle), '輶背' (Back of the hub), '軸後' (Back of the axle), '輶腹' (Middle of the hub), '軸中' (Middle of the axle), '輶內' (Inside the hub), and '輶外' (Outside the hub). A horizontal dimension line indicates a width of '十尺' (Ten feet). The bottom section shows a front view of a 車輶 with labels: '軸' (Axle), '軸下' (Below the axle), '軸上' (Above the axle), '軸內' (Inside the axle), '軸外' (Outside the axle), and '軸中' (Middle of the axle). A vertical dimension line indicates a height of '七寸' (Seven inches). A note states: '軸下有輶輶非直厭馬頭必有物以承之其間消去七寸而衡與馬頭相屬詳下輶輶考工記圖釋車衡下烏啄謂之輶服虔曰輶謂車輶兩邊义馬頭釋名鳥啄向下义馬頭似鳥開口向下啄物时也'.

四庫全書

卷之三

輶  
衡



藝式  
說文輶亦作轍。按說文輶端持衡曰輶。輶下曲曰軻。軻軻曰轔。音昆。左傳稱庚公差追衛獻公射兩軻而還。則輶在轔端。衡在輶上。輶軻轔在衡下。而輶與軻轔一也。衡上有采以爲飾。詩曰錯衡是也。輶上有環以貫轔。爾雅曰載轔。謂之轔是也。說文轔句是以輶爲衡鍵。戴東原主此說。圖見下。

錯衡是也輓上有環以貫轡爾雅曰載轡謂之轔是也東原主此說圖見下

輿人以輿名車而兼數材也車制輿在下騎在兩箱式在前轔在後較則騎上出式者也軼則衡植於騎者也轄則橫植於式者也式必曲爲之所謂據其式是也較有重之者所謂猗重較兮是也

橫植於式者也式必曲爲之所謂操其式是也較有重之者所謂猗重較兮是也

**輶考** 附 按輿下四面材合而收輿者謂之輶秦風小戎僕收註云收輶是也江慎修車輿圖輿下惟後有輶三面更無別材不知說文云輶車後橫木以升車處指其重者言耳考工記總叙加輶與轂鄭註曰輶輿也說文曰輿車底也漢藝文志堪輿註曰輿地道然則車上段載人物者爲輿輿底四面材亦名輿又名輶故曰輶之方也以象地也而戴氏侗駁鄭氏輶爲輿四面木之說引博雅輶謂之枕釋名輶枕也遂謂枕有橫無直意蓋謂輿底前後木爲輶左右木非輶不知枕者可移之物橫直者無定之方人直卧則枕橫人橫卧則枕直何謂直木非輶乎軻人言輶間實是指車廣六尺六寸此亦左右木名輶之證也故輿下四面木合而收輿者統謂之輶

謂之一等戈秘六尺有六寸既建而弛倚崇於軫四尺謂之二等人長八尺崇於戈四尺謂之三等殳長尋有四尺崇於人四尺謂之四等車戟常崇於殳四尺謂之五等劍矛常有四尺崇於戟四尺謂之六等車謂之六等之數兵車凡察車之道必自載于地者始也是故察車自輪始兵車之輪六尺有六寸田車之輪六尺有三寸乘車之輪六尺有六寸六尺有六寸之輪軺崇三尺有三寸也加軫與乘車異矣

也者以爲直指也牙也者以爲固抱也凡爲輪行澤者欲杼削薄其蹊地者行山者欲侔上下相等輪人爲蓋輿人爲車輶輪崇車廣衡長參如一謂之三稱俱六尺有六寸軺人爲軺軺有三度淺深之數國馬之軺深四尺有七寸田馬之軺深四尺駕馬之軺深三尺有三寸軺欲頎懇典軺深則折淺則負軺注則利準利準則久和則安軺欲弧而無折經而無絕進則與馬謀退則與人謀終日馳騁左不楗人不行數千里馬不契性需勞馬不終歲御衣袴不敝此惟軺之和也軺之方

四書圖

器

兵車

王

兵車異名


也以象地也蓋之圓也以象天也輪輻三十以象日月也蓋弓二十有八以象星也龍旂九旛以象大火也鳥旂七旛以象鶴火也熊旂六旛以象伐白虎也龜蛇四旛以象營室也弧旌枉矢以象弧星也

輶方至此言乘車

小

車

兵車



大白車前樹二盾爲異耳考工車六等第有四兵注云戈殳戟矛皆插車輪疏謂以鐵圍範邪置於輪之上下乃插而建之據司兵注五兵爲戈殳戟矛夷矛今補入又舊圖五兵皆載之車左以保介在右準之則當在車右也易之

御案

兵車之制與乘車並同但車右有五兵車建

大白車前樹二盾爲異耳考工車六等第有四兵注云戈殳戟矛皆插車輪疏謂以鐵圍範邪置於輪之上下乃插而建之據司兵注五兵爲戈殳戟矛夷矛今補入又舊圖五兵皆載之車左以保介在右準之則當在車右也易之

兵車異名考 周官車僕掌戎路之萃廣車之萃闕車之萃莘車之萃輕車之萃詩之臨衝皆兵車之異名春秋時襄二十三年齊伐衛有先驅申驅貳廣敢壯大殿襄十一年鄭人賂晉侯有廣車軃車宣十二年晉楚之戰有左右廣襄二十四年鄭射犬御廣而行定四年史皇乘廣而死鄭氏曰廣車橫陳之車則廣車之爲兵車可知矣鄭氏曰莘車對敵之車莘猶屏也孫子八陣有莘車之陣則莘車之爲兵車可知矣鄭氏曰輕車馳敵致師之車孫武曰

馳車千駟草車千乘輕車者馳車也則輕車之爲兵車可知矣戎路卽草路晉樂鍼曰吾有二位於戎路晉侯獻楚俘王賜戎路之服乾時之役魯莊公喪戎路漢淮之軍楚鬪丹獲戎車皆其君之所乘者也然亦出兵所用也至詩之臨衝毛氏曰臨車衝車也蓋臨車高衝車大高則可以臨下大則可以突前故兵書有作臨車衝車之法墨子有備衝之篇荀卿曰渠衝入穴而求利楊子曰衝不薈皆言衝車之大也則臨衝亦出兵所用也若左傳楚子使解楊

登樓車以告宋人蓋臨車之類與

車戰之法考 禮書曰古者之用兵也險野人爲主易野車爲主則險野非不用車而主於人易野非不用人而主於車車之於戰動則足以衝突止則足以營衛將卒有所庇衣械有所齎詩曰君子所依小人所腓則車之爲利矣昔周伐鄭鄭爲魚麗之陣先偏後伍伍承彌縫邲之戰楚君之戎分爲二廣廣有一卒卒偏之兩楚巫臣使於吳以兩之一卒適吳舍偏兩之一焉考之周禮五伍爲兩四兩爲卒司馬法二十五人爲兩四兩爲卒卒兩則人也偏則車也杜元凱以十五乘爲大偏九乘爲小偏其尤大者又有二十五乘之偏則魚麗之偏二十五乘之偏也楚二廣之偏十五乘之偏也巫臣所舍之偏九乘之偏也先偏後伍伍從其偏也卒偏之兩兩從其偏也先其車足以當敵後其人足以待變則古者車戰之法畧可知也

田車考 兵車之制與乘車同但兵車車右有五兵車前樹二盾爲異田車之制亦與兵車同但兵用革田車用木爲異 按周官大司馬中春教振旅遂以蒐田中夏教芟舍遂以苗田中秋教治兵遂以獮田中冬教大閱遂以狩田小司馬如大司馬之法則田車兵車之用同也大司馬蒐田辨旗物之用司常大閱頒旗物巾車建大麾以田則建旗物於車者田車與兵車同也大司馬中夏讀書契鄭注云以薄書校錄軍實之凡要貫疏云凡軍以戈盾弓矢爲軍實則插兵器于車右者田車應與兵車同也而用木用革則異如巾車云木路以田車僕云凡師共革車是也

蓋惟乘車有之爲雨設耳平時則撤之說見前

乘車五輅先後之宜

禮書曰書曰大輅在賓階面綴輅

在阼階面先輅在左塾之前次輅在右塾之前禮器曰大

路繁縟一就次路繁縟七就郊特牲曰大路繁縟一就先

路三就次路五就然若夫商之大路則木路而已春秋傳

謂之大輅獨周爲然若夫商之大路則木路而已春秋傳

與荀卿曰大路越席禮器與郊特牲曰大路繁縟一就七

就不同者先王之路降殺以雨反此而加多焉蓋亦以兩

而已大路一就先路三就則次路有五就七就者矣書言

次路以兼草木二路則商之次路五就七就庸豈一車邪

鄭氏以七就爲誤是過論也夫綴路金路也以其綴於玉

路也先路象路也以其行道之所先故也次路草路木路也以其次於象路故也王之行也乘玉路而先之以象路

次之以草路木路而金路綴於玉路之後觀書先輅在左塾之前而居西次輅在右塾之前而居東春秋之時鄭侯


以先路三命之服賜子展以次路再命之服賜子產魯以先路三命之服賜晉三帥以一命之服賜司馬輿師以下

則先路固貴於次路矣附錄曰禮記郊特牲曰大路繁縟一就先路三就次路五就先儒以爲殷制大路者木路也

周以玉路爲先木路爲後故自樊縓十二就損而至於五就貴其文也殷以大路爲尊次路爲下故自樊縓一就推

而至於五就貴其樸也誠以大路郊之車也我周圓丘之祭亦以木路升壇而先路次路之繁其飾者自不得與焉

乘車乘車異名按周禮行人掌邦國傳遽之事爾雅曰驛遽傳也春秋時楚子乘驛伐庸晉人以傳召伯宗鄭商人弦高使遽告於鄭然則輅也驛也傳也遽也皆乘車也輅見上



乘車

乘車異名

駕馬異同

按禮書曰一馬騎二馬駢說文駢駢二字駢駢三馬驂四馬駟古者軍容則有騎記曰前有車騎春秋傳曰齊魯遇野井以鞍爲几史記趙靈王胡

射服騎國容則車而已大夫以上駕四士則駕二而已儀禮公贈士以兩馬春秋之時衛良夫乘衷甸兩牡陳成子以

乘車兩馬賜顏涿聚之子魯君以乘車二馬遺孔子蓋諸侯之大夫大事駕四小事駕二觀春秋傳以兩牡爲衷甸

則四牡爲上乘矣後世有大駕中駕下駕之說蓋此類也杜預以衷甸兩牡爲卿車誤詩四牡言使臣之事曰四牡駢駢駢駢

駢采芑言方叔之事曰乘其四駢四駢翼翼是大夫駕四也車攻吉日言宣王之事白四牡麗麗四牡孔阜是天子

亦駕四也周官校人掌王馬之政乘馬一師四圉詩言諸侯獻馬於王皆布乘黃朱則天子之駕無過四者特夏書

曰若朽索之御六馬荀卿曰六馬仰秣六馬不調列子曰二十四蹄無遺迹公羊亦曰天子駕六白虎通曰天子之

馬六示有事於天地四方蓋言夏禮也史記曰秦始皇以水數制乘六馬漢儒曰今帝者駕六此秦漢制耳商周損之以四而後世又復之以六觀商

頌言八駕鎗鎗則商亦駕四矣先儒謂天子駕六諸侯與卿駕四大夫駕三士駕二庶人駕一又謂夏后氏駕兩謂

之麗商益以一駢謂之駢周又益以一駢謂之駢蓋傳聞之誤也昔晏子解左驂以遺越石父孔子解左驂以弔館

人陽處父釋左驂以贈孟明言左則有右未聞三馬可以乘車也干旄之詩曰良馬五之毛萇曰三馬五轡亦謂大

夫駕三豈詩人之意然邪皇華之詩曰我馬維駒株林之詩曰乘我乘駒毛氏以大夫乘駒於理或然何則馬八尺

以上爲龍七尺以上爲駢六尺以上爲馬六尺以下爲駢觀禮月令天子所乘皆言龍衛詩諸侯所畜則言駢是天

子乘龍諸侯乘駢也兵車乘車之輪六尺有六寸田車之輪六尺有三寸輪崇則馬崇輪庳則馬庳是兵車乘車則

駕駢以上田車則駕馬也天子所駕下止於馬諸侯所駕上至於駢則大夫乘駢可知矣四馬八轡而詩每言六轡

者蓋駕馬之法有游環以止駢馬之外出有脅驅以止駢馬之外入有脅驅矣則駢馬之內轡無所施也繫於軾前


而已此詩所以言六轡也

四書圖說

輶  
軌

御

九



輓考 考工記車人爲車鬲音長六尺鄭氏衆曰鬲謂轅端厭牛領者 御案鬲卽輓論語所謂輓指此彼註咸註謂轅端橫木縛輓以駕牛蓋非也明陳士元論語類考曰大車之轅直轅前橫木謂衡衡亦謂之輓曹氏四書縱故說曰車人徹廣六尺鬲長六尺王禹昭曰徹謂車廣先鄭云鬲謂轅端厭牛領者毛氏云以其鬲牛不使之外撫餘說之鬲大車之鬲與小車之衡用相似而實不同鬲其直駕牛領而衡則所以縛輓也按陳氏曹氏說並與上同○說文曰輓轅耑端持衡者六書故曰轅端橫木卽衡也輓乃持衡者皇侃論語疏引鄭康成註曰輓穿轅端著之楊雄太元經曰閑次三關無鍵盍入門也拔我輓輓貴以信也按此四說並以輓爲鍵前第四圖戴東原本此輓考 考工記軺人爲軺國馬之軺深四尺有七寸田馬之軺深三尺有三寸鄭氏康成曰國馬高八尺衡高八尺七寸田馬高七尺衡高七尺七寸駕馬高六尺衡高六尺七寸除馬之高則餘七寸爲衡頸之間也 御案此頸謂馬頸也衡下有輓輓亦非直厭馬頸必有物以承之其間消去七寸而衡與馬頸相屬矣衡下之輓蓋卽論語之輓以曲木爲之左傳又謂之軺以其句曲故曰軺以其扼馬頸故曰輓而輓其異名也古註包咸謂轅端上曲鉤衡以駕馬恐非是轅端上曲卽軺頸與軺相連非別一物未可與大車之輓對。軺人衡任鄭謂兩輓之間 御案兩輓縛於衡中間有空隙處故以兩輓之間言之曹氏四書撫餘說曰輓與輓同名輓一取扼牛領一取扼馬領其取義同也特輓卽轅端橫木與小車之軺以持衡衡以縛輓者實異故鬲可名輓而衡不可名輓按曹氏說本上說。周氏柄中四書典故辨正曰衡之缺處爲輓當兩服馬領上缺去七寸以扼馬領於前使不得去謂之輓其上平處爲衡通育之衡卽輓也輓輓乃輓之異名吳伯章曰衡下缺去七寸以扼馬領使不得出謂之輓其輓之平處謂之衡衡與輓一木也論語類考曰小車之轅曲轅前橫木謂衡衡亦謂之輓按此三說並以輓與衡共一木非兩件與前第三圖江氏說同○說文曰軺車小車轅端持衡者皇侃論語疏引鄭康成註曰軺因轅輓與衡共一木非兩件與前第三圖江氏說同○說文曰軺車小車轅端持衡者皇侃論語疏引鄭康成註曰軺因轅輓卽鬲軺縛於衡此是定論第三圖輓卽鬲之缺處輓亦衡之缺處輓卽鬲軺卽衡第四圖輓是鬲與轅交接之鍵輓卽鬲軺縛於衡此是定論第三圖輓卽鬲之缺處輓亦衡之缺處輓卽鬲軺卽衡第四圖輓是鬲與轅交接之鍵輓是衡與軺交接之鍵鬲亦名衡皆可從惟第二圖包氏之說非是

御考 禮書曰禮有六藝御居一焉故司徒以之教萬民保氏以之教國子詩以執轡如組爲賢孔子以執御爲能而周官大馭戎僕田僕齊僕之官皆大夫上士爲之則御非賤者之事故有以同等爲之僕者有以降等爲之僕者有以弟子爲師之僕者有以貴者爲賤人之僕者禮曰若僕降等則受不然則否此同等降等者之爲僕也君命召雖賤人大夫士必自御之此貴者爲賤人之僕也論語或稱冉有僕或稱樊遲御此弟子爲師之僕也

升車考 江氏慎修曰升車尊者履石夏官隸僕王行洗乘石王所登上車之石也詩云有扁斯石履之卑兮謂上車所登之石尸履几曲禮云尸乘必以几注尊者慎也疏謂几在式上誤昏禮婦乘以几注尚安舒也疏云此几謂上車時而登若王后則履石大夫諸侯亦應有物履之但無爻以言今人猶用臺是石几之類也按孔子升車必正立執綏則是履地而升蓋不敢同於尊者也又禮記少儀云僕者負良綏申之面拖諸轡疏云君由後升僕者在車背後面前取君綏由左腋下加左肩上繞背入右腋下申綏之末於面前而擲末於車前帶上此謂僕者安置君綏以俟君之升也曲禮云君出就車則僕并轡授綏疏云君初來欲上僕并六轡及策置一手中所餘一空手取正綏授與君令登車也當右手并轡左手授綏轉身向後引君上也此謂君執綏初升之時也

綏

綏有良綏正綏也又有散綏貳綏也

綏此綏之等也或謂君子方登車則受綏及既登車則正立執綏非是江氏慎修曰升車必正立執綏謂方上車時御者授綏夫子正立於車下而挽之以升也既在車中則無所用綏矣曲禮少儀皆無車上執綏之文

鞭

鞭策考 按論語集註曰綏挽以上車之索也禮書曰綏車中把也其節則有采章其等則有貴賤詩曰淑旛綏章此綏之飾也少儀君綏曰良綏曲禮少儀僕右綏曰貳綏散綏若今鞭末韋帶二說俱不從鄭注按鄭注云彗竹帚孔疏云入國不馳故不用鞭策但取竹帚帶葉者爲杖形如埽帚故云策彗據此非入國不馳之時凡言鞭言策者竹不帶葉可知又按經註集證曰鞭策筆皆馬撾之名說狼氏掌執鞭以趨辟條狼乃下士故以爲賤朝士率其屬而以鞭呼趨且辟曰其屬亦賤者


策

策也彗掃而加存卽焉勿急策以驅前朱子云策彗疑謂策

文所謂驅馳者也古者用草以扑罪人亦以驅馬故其文從草書曰鞭作官刑此則施於民者也左傳左執鞭弭又曰雖鞭之長不及馬馴此則施於馬者也其後以竹代草故策筆二文並從竹蓋因驅策筆擊之義立名也周禮條如埽帚故云策彗據此非入國不馳之時凡言鞭言策者竹不帶葉可知又按經註集證曰鞭策筆皆馬撾之名說

狼

狼氏掌執鞭以趨辟條狼乃下士故以爲賤朝士率其屬而以鞭呼趨且辟曰其屬亦賤者



軌字自專指轍迹言說文曰軌轍也莊子曰車轍中有鲋魚焉並指車迹軌廣八尺比輿兩旁各寬七寸者輪必少遠于轍且以爲轍外設局建兵地也


軌考 禮書曰遂人夫間有遂遂上有徑十夫有溝溝上有畛百夫有洫洫上有涂千夫有澗澗上有道萬夫有川川上有路鄭氏曰徑容牛馬畛容大車涂容乘車一軌道容二軌路容三軌其說蓋以匠人之制推之也匠人王城經涂九軌環涂七軌野涂五軌環涂以爲諸侯經涂野涂以爲都經涂由是差之諸侯環涂五軌野涂三軌都之環

軌也今按古者經涂九軌軌廣八尺匠人以爲度四書兩轍亦曰軌少儀曰祭猶之兩轍曰軌兩轍下木亦曰軌左右軌

四書圖考

器用

舟




舟

涂野涂皆三軌則遂人路容三軌道容二軌理或然也

舟考 白帖曰古者觀落葉因以爲舟淮南子曰古人見  
竪木浮而爲舟繫辭傳曰黃帝堯舜剗木爲舟剗木爲楫  
舟楫之利以濟不通蓋取諸漁初堯舜成其未正義曰黃帝制其器物叢  
談曰舟船也水行用之以周流故曰舟以其循水而行故  
曰船爾雅曰天子造舟諸侯維舟大夫方舟士特舟註云  
造舟比船爲橋也維舟維連四船也方舟併兩船也特舟  
單船也昭十七年傳曰楚戰吳于長岸獲其乘舟餘皇餘  
皇吳舟名也詩衛風河廣曰曾不容刀刀小船也廣雅吳  
名舟曰扁風俗通曰晉名舟曰船說文曰江中舟曰幽禮  
或云海中舟曰艇艘世本曰黃帝臣其鼓貨狄剗木爲舟  
物理論曰化狐作舟呂氏春秋曰虞紂作舟墨子曰巧倕作舟東晉發蒙記曰伯益作舟按路史云黃帝命其鼓化  
狐作舟與世本異疑貨狄化狐是一人字誤也頗怪舟旣作於黃帝之臣又作於唐虞之臣創始謂之作倕益諸人  
似不得云創始制舟後悟作字一訓造創始也如作者之謂聖是一訓爲如敝予又改作兮是又子賀切音做後漢  
廉范傳廉叔度來何暮不禁火民夜作做韓愈詩非閣復非船可居兼可過君去問方橋方橋如此作做是然則黃  
帝之臣創始造舟後世云作舟只是爲船做船非創造也世儒動稱伯益造舟者誤


桴考 馬註云編竹木爲之大者曰桴小者曰桴邢昺疏  
云馬曰小者曰桴者正義曰爾雅云舫𦥑也郭璞云水中  
簰筏孫炎云舫水中爲𦥑筏也方言云𦥑謂之簰簰謂之  
筏筏秦晉之通語也方舫𦥑桴音義同也按桴唐韻集韻  
韻會正韻並音敷管子小匡篇曰方舟投杼乘桴濟河是  
也亦叶音浮易林曰水深無桴塞難何游商伯失利庶人  
愁憂是也



桴

竹桴

木桴




符節

虎符

符節

龍符



器用

桴

符節

十

卷十一



八分濶五寸腹徑長七寸九分濶五寸六分

鼎



鼎

鼎考 儀禮義疏 御案鼎下有足上有耳詩稱鼎鼎及鼒爾雅曰鼎絕大者謂之鼒圜弇上者謂之鼒附耳外謂之鉞款足謂之鬲士虞禮有上鼎中鼎下鼎有司微司馬舉羊鼎司士舉豕鼎魚鼎則鼎之體有大小侈肆之別而其用有牛羊豕魚之異天子諸侯有牛鼎大夫有羊鼎士豕鼎魚鼎而已上得兼下下不得兼上○陳氏禮書曰鼎之器于象爲備鼎之齊于金爲多下有足上有耳有羣以覆之有鉉以舉之


三鼎五鼎全錄鼎數 周禮膳夫王日一舉鼎十有二掌客諸侯之禮鼎皆十二聘禮賓之殯饔皆飪一牢鼎九而殯腥一牢鼎七饔腥二牢鼎二七上介饔殯皆飪一牢鼎七而饔腥一牢鼎七衆介殯少牢飪鼎五大夫少牢五鼎士特牲喪禮三鼎既夕五鼎而掌客聘禮諸侯與卿之鼎過於王之數士既夕之鼎過於特牲之制何也聘禮陳鼎也王之日舉食鼎也特牲廟禮也既夕斯須禮也然所謂陪鼎羞鼎皆鉶鼎也鉶鼎所以實羹者也鉶羹所以具五味也其芼則藿牛苦羊薇豕也其臭則腳牛腥羊羃豕也自羹言之則曰鉶羹自器言之則曰鉶鼎以其陪正鼎曰陪鼎以其爲庶羞曰羞鼎其實一也○陳氏鳳石曰一鼎特豚也士冠醮子士昏婦饋舅姑小斂之奠朝禱之奠以之三奠特豚而配以魚腊也故牲爲上鼎魚爲中鼎腊爲下鼎昏禮共牢陳三鼎於門外以及大斂之奠朔月之奠士莫不以之五鼎羊豕而配以魚腊膚也少牢雍人陳鼎五魚腊從羊三鼎在羊鑊之西膚從豕二鼎在豕鑊之西倫膚九魚用鮒十有五腊一絕聘禮致殯則以之諸侯朔月則以之少牢五鼎大夫之常事也而亦有殺禮而用三鼎者如有司微乃升羊豕魚三鼎腊爲庶羞膚從豕去腊膚二鼎陳於門外如初以其釋祭殺於正祭也特牲三鼎士之常也而亦有以盛葬奠加一等者如既夕遣奠陳五鼎於門外是也七鼎九鼎者大牢而以魚腊腸胃膚配之

配之者爲七公食下大夫之禮也又加鮮魚鮮腊者爲九公食上大夫之禮也大牢者牛羊豕也十鼎者正鼎七陪鼎三陪鼎三者又曰鉶鼎曰羞鼎其實一也聘禮之設殯是也十有一鼎者正鼎九陪鼎三周禮膳夫鼎十有二是也郊特牲云鼎俎奇而籩豆偶以象陰陽鼎十有二者以其正鼎與陪鼎別數則爲奇數也

俎考

周官義疏 御案俎以盛牲體及魚肉也牲

體在鼎曰肴在俎曰載虞夏商周俎各不同見明堂位而周則名房俎鄭注房謂足下跗上下兩間有似於房疏云



高二尺四寸

俎

象殷曰俎如枳枳之曲橈周曰房俎足下有跗如堂房其用之別甚多一曰薦腥謂豚解而腥之殊兩肩兩髀兩脅與脅爲七體此上古之禮也二曰薦燭謂體解而燭之又分豚解爲十一體以湯燭之而不全熟此中古之禮也三曰薦熟以其所燭者先煮于鑊既熟則以鼎重煮之升于俎此近代之禮也又割其餘以制之則有燔炙之事俎由鼎而升有九聘禮牛一羊二豕三魚四腊五腸胃六膚七鮮魚八鮮腊九是也去鮮魚鮮腊則爲七俎矣公食大夫禮上大夫九俎不大夫七俎是也又去其二則爲五少牢陳五鼎羊一豕二膚三魚四腊五腸胃從羊五鼎五俎是也又去其二則爲三特牲三鼎牲鼎一魚鼎二腊鼎三亦有三俎是也此皆正俎天子諸侯大夫士之所以別也爲俎骨有貴賤鄉飲鄉射禮賓俎脊脅肩肺主人俎脊脅臂肺之類是也又有陪俎非正俎則臍臍膚之三臍膚者羹

四書圖考


器用

三

也卽鉶羹也牛臚爲臚羊臚爲臚豕臚爲臚又有斂俎所以載心舌而燔炙皆從獻之物故鄭箋以爲從獻之俎九俎皆進於神前其尸旣齋而反其餘於斂俎者謂之戶俎戶俎之外又有主人主婦祝佐賓長兄弟宗人衆賓及衆兄弟內賓宗婦公有司之俎牲之升俎必有物以盛之意卽掌蜃之蜃器也主人受尸酢之俎謂之胙俎其俎最尊天子之祭膳夫親徹之王賓客禮食亦有焉

也卽鉶羹也牛臚爲臚羊臚爲臚豕臚爲臚又有斂俎所以載心舌而燔炙皆從獻之物故鄭箋以爲從獻之俎九俎皆進於神前其尸旣齋而反其餘於斂俎者謂之戶俎戶俎之外又有主人主婦祝佐賓長兄弟宗人衆賓及衆兄弟內賓宗婦公有司之俎牲之升俎必有物以盛之意卽掌蜃之蜃器也主人受尸酢之俎謂之胙俎其俎最尊天子之祭膳夫親徹之王賓客禮食亦有焉


籩



受四升 高尺二寸

事之籩饋食之籩加籩之實羞籩之實凡祭祀共其籩賓事及賓客之事共其薦籩羞籩儀禮士冠禮再醮兩籩栗脯鄉射禮大夫與則公士爲賓薦脯用籩注所謂籩宜乾物是也禮記郊特牲鼎俎奇而籩豆偶陰陽之義也籩以竹之實水土之品也明堂位夫人薦豆籩轟崇義云籩以竹爲之口有縢緣形制如豆受四升高尺二寸盛棗栗桃梅菱芡

脯脩臘鮑糗餌之屬有巾元被纏裏圓一幅按士喪禮籩無縢則士大夫吉事之籩有縢可知明堂位魯用雕簋簋籩屬也惟魯得用雕簋則士大夫之籩無雕可知



受四升 木豆高尺二寸瓦豆高一尺

豆考 周官義疏 御案醢人掌四豆之實朝事之豆饋食之豆加豆之實羞豆之實凡祭祀共薦羞之豆實賓客喪紀亦如之儀禮聘禮堂上八豆西夾六豆公食大夫六豆上大夫兩豆士昏四豆士喪既夕四豆士虞四豆特牲兩豆少牢四豆有司徹四豆禮記明堂位夏后以揭豆殷玉豆周以獻豆鄭注揭無異物之飾也獻疏刻之也聶氏崇義云豆以木爲之高尺二寸考工旌人瓦

方壺



豆高一尺受四升口圓徑尺二寸漆赤中大夫以上畫雲氣其飾諸侯以象天子加玉有蓋盛昌本牌析豚指之壺醯蠶免鴈之醯韭菁芹筍之菹及麋麌鹿麌鄭注所謂豆宜濡物是也


圓壺



壺考 儀禮義疏 御案燕禮大射皆云卿大夫方壺士旅食圓壺注云尊方壺爲卿大夫士也臣道直方設此尊旅衆也士衆食未得正祿所謂庶人在官者用圓壺變于卿大夫士也又圓象天爲君道方象地爲臣道卿大夫方壺以其近尊而屈也旅士圓壺以其遠尊而伸也此列器者之權衡也至方圓之制陳氏祥道謂方壺而圓其腹圓壺而方其腹則名實不稱故陳氏圖方者方之圓者圓之然考何休注公羊傳國子執壺漿云壺禮器腹方口圓曰壺反之曰方壺是方壺圓腹圓壺方腹之制舊矣仍依舊圖爲是

四書匯考

集註桺棬屈木所爲若卮匜之屬




卷 榜

器用



木林角角  
容二升



集註觸酒器或曰木簡皆器之有棱者輯要曰觚銳方方底徑赤中畫青雲氣通飾其卮口徑四寸中深四寸五分可學書之有牘或以記事削木爲之其形或六面或八面而古


解




容三升

無耳而觚與角散皆有耳豐  
禮則未之聞耳考其所用則

與食鹽者舉散承爵則用豐也考其繩稱則皆可名之曰爵而其實則皆曰觴也獨觥則儀禮所載甚少然七月詩言稱彼兕觥春秋傳衛侯饗苦成叔而甯惠歌兕觥其觴則饗有觥也閭胥掌比觥是鄉飲有觥也絲衣言兕觥是賓尸有觥也其質用兕其容七升其用主罰按諸器名雖不同而聖人制器尚象之意則總教人節飲而已疏云觚者寡也飲當寡也觶者適也飲當自適也角者觸也觸罪過也散則訕也飲不節爲人訕也許慎云觥罰有過一飲而盡七升爲過多也



深六寸 足高三寸



十一

高三寸有蓋實於筐者若爵若膳若幣若食其制則一也禮書曰儀禮罍洗之西皆有筐又有上筐下筐膳筐之辨則上筐在堂下筐在庭膳筐特饌君爵而已筐之爲物可以盛幣帛可以盛勺觶可以盛苴茅可以代所俎可以實黍稷肆師大朝覲佐賓共設筐罍此筐之實黍者也公食大夫豆實實於罍筐實實於筐而筐者筐屬也

几考 儀禮義疏 御案覲禮天子設斧依於戶牖之間左右几聘禮宰夫奉兩端以進公於序端受宰几攝之以授賓賓進訝受有司徹主人降受宰凡二手橫執以授尸則行禮之際必授几矣王左右皆有几優至尊也諸侯而下或設之左或設之右祭祀陰事也故右之延國賓陽事也故左之且吉事變几尚文也凶事仍几尚質也大抵生人几在左鬼神几在右其授之受之有節其操之辟之有儀阮氏圖云几長五尺高尺二寸廣二尺兩端赤中央黑漆馬融則云長三尺未知孰是。几不特施於行禮也燕居亦有之士喪禮所謂燕几是也不特施於燕居軍役亦有之周禮甸役右漆几左傳知伯怒投之以几是也


同上

四和

籃  
几


七四

卷十三



函藏杖共王之齒杖注謂年七十王命賜杖故共之杖有函者鄭氏鍔所謂祭時老臣不敢杖故其函以盛之既事乃授之也曲禮曰大夫七十而致事若不得謝則必賜之凡杖月令曰養衰老授几杖賈山傳曰養老公卿奉杖此朝廷之優老也曲禮曰謀於長者必操几杖以從之又曰進几杖者拂之此少者之敬老也至若孔子杖履優遊動則爲法賈誼容經曰子貢由其家來謁孔子孔子正顏舉杖磬折而立曰子之大親母乃不寧乎放杖而立曰子之兄弟亦得無恙乎曳杖倍而行曰妻子家中得無病乎呂氏春秋曰孔子以六尺之杖論貴賤之等辨親疏之義故杖者日用尋常之器一經聖人攜持迥異矣

席考 周官義疏 御案周禮司几筵王朝覲大祭祀封國命諸侯及胙席皆莞筵蒲紛純加繅席削蒲弱展之編以五采畫純加次席桃枝席有成文草繢純凡三重諸侯祭祀蒲筵續純對方色加莞筵紛純胙席延國賓莞筵紛純加繅席畫純皆二重王甸役則熊席喪事則葦席則柏樽席用葦葦細繢純於葦諸侯則紛純儀禮鄉飲鄉射皆蒲筵緇布純燕禮注賓席準鄉飲君席準諸侯胙席卿席如賓而重大射賓有加席公食大夫記賓席亦準鄉飲而特言常丈六又加葦席尋尺元帛純上大夫蒲筵加莞席純如下大夫注謂孤爲賓如司几筵國賓席士虞禮有葦席屏亦用席禮器有越席蒲郊特牲有蒲越橐橐玉藻有刺席非草要之席緣必華於席加席上席必華於下席故曰席莫貴



席


## 牀 枕

於次席而次席黼純則斷割之義惟王所獨又曲禮注云常席四尺賓席一人

牀考 物原曰神農作牀服虔通俗文曰牀三尺五曰榻板獨坐曰枰八尺曰牀說文曰牀身之安也第牀策也牀前木也釋名曰牀策也所以自裝載也廣雅曰棲謂之牀爾雅疏曰策牀板也一名策方言云牀齊魯之間謂之策陳楚之間或謂之第是也


枕考 說文曰枕籀薦首者釋名曰枕檢也所以檢項也

盤銘考 金仁山曰盤沐浴之器也頭曰沐身曰浴禮沐浴盤盥漱亦以盤則盤沐器也浴器亦曰盤古有盤盂之戒孟卽杼亦浴器也銘字從名名者書也古者謂字書爲名釋文刻金曰銘古人之有訓誠勲業者多刻之於金器若鐘鼎之類猶後世刻之於碑碣也然則刻字書於金故曰銘古者器必有銘蓋器爲常用之物而銘以自警之辭欲因器之常用而因以常警也按張氏曰沐浴之盤本鄭氏註沐謂潔髮浴謂盥手盤卽內則少者奉盤之盤古者浴有二義浴而盥手則與沐同此盤是也浴而潔身則更用杼玉藻所謂浴出杼履刺席是也或問率以潔身言者髮與手亦身也



未耜  
權度量

爲耦一耦之伐尺注以耜一金言之則其廣可知由此推之以及溝遂洫澗皆然又弦其內得六尺六寸與步相中則度卽在此其利不特上動下入而已



十五

The illustration consists of four separate diagrams. At the top is a balance scale with a horizontal beam and two vertical weights hanging from the ends. The left weight is labeled '權' (weight) and the right weight is labeled '衡' (balance). To the right of the scale is the vertical text '權衡'. Below the scale is a horizontal ruler with markings, labeled '度' (degree) to its right. In the center is a large circular vessel with a handle on top, labeled '斛' (hopper) in its center. To the left of the vessel is a vertical label '升' (cup) and to the right is a vertical label '合' (cup). Below the vessel is a smaller circular base labeled '斗' (cup). To the right of the vessel is the vertical text '量'. On the far left, there is vertical text describing the measurements: '石別於分忖於寸叢於尺張於丈信於引躍於龠合於龠登於升聚於斗角於斛'.

The image contains four detailed line drawings of ancient Chinese vessels, each labeled with its name in large characters at the top and a descriptive inscription inside or below it.

- Kui (甄):** A shallow, wide vessel with two small handles. It is labeled "甄" at the top and "受二升" (Shòu èr sheng) at the bottom.
- Bai (釜):** A large, deep cylindrical vessel with a flared base. It is labeled "釜" at the top and "深尺實一斛" (Shēn chǐ shí yī hú) at the bottom.
- Yu (庾):** A tall, narrow cylindrical vessel. It is labeled "庾" at the top and "受十六斗" (Shòu shí liù dǒu) at the bottom.
- Ban (甌):** A shallow, wide vessel with a flared base. It is labeled "甌" at the top and "耳三寸實一升" (Eǎr sān cùn shí yī shēng) at the bottom.

金庾考 考工記宋氏改煎金鉢爲鬲同深八兩方尺而圓其外其實一輔其鬹一寸其實一豆其耳三寸其實一升重一鈞其聲中黃鍾之宮詳下  
金陶人爲庾實二殼厚半寸脣寸或云陶人之庾是瓦器今甕之類非量器也與此名同實異儀禮聘禮日十斗爲斛十六斗曰數十數曰秉類考曰鄭注江淮之間量名有爲簸者古文簸今文逾也又集韻作匱注云匱器受十六斗是庾也簸也逾也匱也乃字書之轉其義一也孔鮒小爾雅曰一手之盛謂之溢兩手謂之掬升掬四謂之豆四升豆四謂之區一斗六升區四謂之釜六斗四升釜二有半謂之簸一斛六斗簸二有半謂之缶四斛缶二謂之鍾八升鍾二謂之秉秉十六斛金甕考 古史考曰黃帝始造釜甕火食之道就



# 四書圖考

## 器用

簾 瓢 斗 筍

一

康成曰甌如甌一孔爾雅曰甌謂之鬻鬻鈔也孫炎曰關東謂甌爲鈔方言曰自關而東或謂之甌或謂之鬻或謂之酢餉毛氏許慎以鬻爲釜屬而爾雅方言以鬻爲甌禮書又謂鼎上大下小若甌曰鬻然則甌也鬻也鈔也酢餉也鼎也皆甌屬也甌則甌之無底者也鬻則甌之在涼州者也鈔則甌之大口者也



類也其容一穀下記云營筭三則筭以嘗草爲之云一穀者穀受斗二升

筭考 按既夕禮云苞二筭三黍稷麥注云筭畚鍤

簾考 說文曰有底曰簾無底曰囊董氏曰無底曰囊

有底曰囊唐韻曰囊無底囊大雅毛傳曰小曰囊大曰囊

按諸說不同朱子孟子集註蓋從董氏今依集註圖之又按何氏楷曰橐今纏腰下者橐卽今之纏包也則橐之形制可知矣又按玉篇袋橐屬橐卽今之袋也則橐之形制可知矣

斧考 按廣雅曰神農作斧幽風傳曰隋鑿曰斧說文曰斧斫也釋名曰斧甫也甫始也凡將制器始用斧伐木已

乃制之也易旅卦注曰斧所以斫除荆棘以安其舍者也

字典曰凡以斧斫物亦曰斧古詩苦寒歌擔橐行取薪斧

冰持作橐注天寒水凍故斫冰作粥也

柯考 按柯說文曰斧柄也幽風曰伐柯如何匪斧不克

伐柯伐柯其則不遠是言斧柄也考工記車人之事半矩


謂之宣一宣有半謂之柵一柵有半謂之柯柯長三尺博

三寸厚一寸有半五分其長以其一爲之首斧轂長半柯

其圍一柯有半幅長一柯有半渠三柯者三造作用斧因以量物

斤考 廣雅曰神農作斤說文曰斫木也正字通曰以鐵

爲之曲木爲柄削刷之總稱集韻云或作斲



# 四書圖考

## 器用


橐 囊 斧 柯 斤

一

卷十二

四書匯考


卷之三



四


牲割刀之用左傳猶未能操刀而使割也晉書鉛刀豈無一割之用是也小雅曰執其鸞刀郊特牲曰鸞刀之貴註云刀鎔有鈴也顧命陳寶赤刀孔傳曰寶刀赤刀削正義曰上言陳寶非寶則不得陳之故知赤刀爲寶刀也謂之赤刀者其刀必有赤處刀一名削故名赤刀削也禮記少儀記執物授人之儀云刀授穎削授拊鄭康成云穎鎔也拊謂把也然則刀施鎔削用把削似小於刀相對爲異散文則通故傳以赤刀爲赤刀削周禮考工記云築氏爲削合六而成規鄭註云曲刀也穀梁傳曰孟勞魯之寶刀也

牛刀 莊子曰庖丁爲文惠君解牛手之所觸肩之所倚足之所履膝之所踦砉然騞然奏刀騁然莫不中音合於桑林之舞乃中經首之會文惠君曰善哉技蓋至此乎庖丁釋刀對曰臣始解牛之時所見無非牛者三年之後未嘗見全牛也方今之時批大郤導大窾因其固然技經肯綮之未嘗而況大軒乎良庖歲更刀割也族庖月更刀折也今臣所解數千牛而刀刃若新發於硎彼節者有閒而刀刃者無厚以無厚入有閒恢恢乎其於遊刃必有餘矣



得謂罟罟獸按魚罟滌名語罟罟曰取曰說  
名之麋謂時天網罟捕魚云皆衛魚罟文  
罟罟罟之田官不麗魚又水謂詠網罟曰魚曰  
矣則謂羅守獸獨魚網集虞魚施也謂罟罟  
知之免罟人名罟也韻講網罟罟之爾也罔  
禽罟罟爾掌罟也說曰罟也豳雅九雅釋也  
網罟謂雅罟矣則文崗罟故賦歌罟釋名玉  
亦罟之烏田又知曰音取魯九麗九器曰篇

搜



白晉圖考

卷之三

呂 覆

二

卷十一

四書圖考 器用

十六

四書衣服圖考序

黃帝始制冕旒垂衣裳舜觀象作服禹致美黻冕周有弁師司服之法皆所以別尊卑之等酌文質之宜以行禮也。古人禮服有裼裘之制以袒袖見美後儒疑之詩鄭風禮袒裼爲暴虎也孟子袒裼與裸裎連說謂無禮也豈禮服而可袒裼乎然鄉黨緇衣三句集註云衣以裼裘則是孔子亦袒袖行禮不得謂袒袖非古也足見古人服制有非後儒所能臆斷者衣既然冠何獨不然今考新舊圖冠冕有名同而形殊不欲偏廢並存之以備參至如凶服間有大傷禮教者不可曲從父在爲母期天性何存父爲長子斬衰三年母爲長子齊衰三年葬倫安在此必後人補緝非先聖賢之書後查父在爲母唐律改齊衰三年明會典改斬衰父母爲長子明會典並改不杖期而心始安也自識

目錄

宣州太平縣杜炳雲嚴氏學

男梓材校

衣服總畧	后服總畧	冠	弁 <small>附</small>
弁服	黻冕	冕服	端章甫
舊圖冠制	不以紺緞飾	緇衣羔裘	素衣麑裘
黃衣狐裘	襲裼	裘服	紅紫
袗絺綌	裘裘	短右袂	狐貉
寢衣	被 <small>附</small>	明衣	齊必沐浴 <small>出註</small>
帷裳	深衣 <small>出註</small>	長衣中衣 <small>附</small>	緇袍
羔裘元冠不以弔	朝服	諸侯祭服	帶
束帶	書紳	佩	屨
用屨脫屨之節	大宗小宗 <small>附</small>	斬衰服制	齊衰服制
大功牡麻絰纓	小功葛絰帶	總冠潔纓	菅屨

# 四書圖考

衣月

后服總畧

衣衾

棺槨

苴杖削杖

殯

居喪總

喪用冰

死葬祭

期之喪

斬衰

齊衰

三年之喪

総小功


吊

居喪總


衣服總畧

臧氏訛齊曰昔者先王未有麻絲衣其羽皮後聖有作然後制麻絲以爲布帛易曰黃帝堯舜垂衣裳而天下治蓋取諸乾坤故冕服始於軒轅衣裳詳於堯舜繪繡日月星辰山龍華蟲宗彝藻火粉米黼黻而十二章備矣禹貢冀州貢皮服兗州篚織文青州篚繫絲徐州篚繡絲揚州篚織貝荊州篚元纁豫州篚纁繡梁州貢織皮皆所以供天子之衣服上可兼下不可僭上天子尊無二上故十有二章俱備公自山龍以下則九章也侯伯自華蟲以下則七章也子男自宗彝以下則五章也卿大夫自粉米以下則三章也其下衣無文裳刺黼黻謂之元則一章也並爲五服五章日月六者繪于衣宗彝六者繡于裳惟五采章施于五色而黼黻文章錦繡纂組於是著矣周則三辰用子旗常而服惟九章蓋取陽數之極而得損益之宜也天官內司服掌王后之六服則禕衣揄狄翟闕狄鞠衣展衣祿衣是也第君子令聞廣譽施於身不貴文繡之美故德閭然而日章衣錦尚絅揚其休德積厚而流光袞衣繡裳昭其盛而且歌實德者視弁帶絲騏而致詠道盛德者瞻琇瑩會弁而興思彼實有不黼黻而自榮不組綬而自華者蓋有形之繪結不若無象之冠裳內著之簪綬勝於外昭之聲帶也

后服總畧 葉文康公曰內司服言王后與外內命婦之服禕衣謂畫五色翬雉於衣也揄狄則畫青質搖雉於衣也闕狄則刻繪爲赤雉之形而不畫也此三者王后之祭服也從祭先王則服禕衣從祭先公則服揄狄從羣小祀則服闕狄鞠衣謂之黃衣告桑事之服也展衣謂之禕衣其色白見王及賓客之服祿衣謂之綠衣其色黑御于王之服也此三者后與命婦同服也素沙者司農謂爲赤衣康成謂爲白縛絅大抵素沙日所常服非章服也




圖考曰大古冠布齊則綯之言後世之元冠用繪不用布故始冠之綯布冠既冠可敝士冠禮曰綯布冠缺項青組纓屬於缺綯纓廣終幅長六尺注云缺讀如有頰者弁之頰綯布冠無笄者著頰圍髮際結項中隅爲四綯以固冠也項中有笄亦由固頰爲之耳今未冠笄者著卷幘頰象之所生也屬猶著纓今之幘梁也終充也纓一幅長六尺足以韜髮而結之矣無笄者纓而結其條鄉黨圖考曰缺當讀如字故繼公云冠後亦謂之項缺項者別以綯布一條圍冠於武非圍冠髮際而後不合故名缺項謂其當冠項之處則缺也此說是後既不合宜有繩結之乃得固又曰委貌周道也章甫殷道也毋追音牟夏后氏之道也注云或謂委貌爲元冠委猶安也言所以安正容貌章明也殷質言以表明丈夫也甫或爲父母發聲也追猶堆也夏后氏質以其形名之三冠皆所常服以行道也其制之異同未之聞檀弓曰古者冠綯纓今也衡縫故喪冠之反吉非古也注云今冠橫縫以其辟積多解時人之惑喪冠用繩爲武今用布冠耳鄉黨圖考云今時之喪冠與古吉冠畧相似冠以梁得名冠圈謂之武梁屬於武但古喪冠用繩爲武今用布爲武耳古吉冠以黑繪爲梁亦以黑繪爲武梁之廣與武別臨著乃合之有儀飾故也鄉黨圖考云冠必與武相綯合乃可著且行禮者必先衣冠不於行禮時始著冠何必以臨時著冠於武爲多威儀耶又吉冠內畢如冠不屬武則內畢之冠未易連合倘連合不固行禮而冠脫大失威儀古人當不如是迂拙也詳此經之意居冠屬武對下有事然後綯而言謂燕居之冠但以纓結於領下使冠與首相著而已更不用垂綯屬武是結纓而武連於首非謂冠梁屬於武也又曰大帛不綯注云帛當爲白大帛謂白布冠也不綯凶服去綯又曰元冠紫綷自魯桓公始也注云蓋僭宋王者之後服也綯當用繩鄉黨圖考云王者之後未見用紫之事蓋當時尚紫之漸耳



弁考 附 儀禮義疏 御案士冠禮次加以皮  
弁三加以爵弁皮弁服素積緇帶素韞爵韞蓋弁服  
禮義疏駁之  
弁考舊圖儀

韋弁劉熙釋名亦云以爵韋爲之曰韋弁則爵弁疑卽韋弁也但三王共皮弁素積自天子至士皆用之爵弁爲士之祭服而天子諸侯大夫亦皆服之韋弁則爲軍容之盛以韋爲之其用有不同矣又鄭氏謂爵弁之制如冕但無纓旒爲異陳氏祥道以爲古文弁象形則其制上銳若合手然非如冕也陳氏之說信也○鄉黨圖考按周禮無爵弁王之弔服有素爵弁於弁絰服見之士之爵弁無等故弁師不言司服亦不言爵弁者疏云爵弁之服唯承天變時及天子哭諸侯乃服之所服非常故列天子吉服不言之今以次轉相如不得輒於士上加爵弁故以皮弁服爲首也公襲有爵弁二則爵弁又爲諸侯始受命之服

弁服考 士冠禮曰爵弁服纓裳純衣緇帶韎韐此與君也詩曰綵衣其紝載弁俅箋云弁爵弁也爵弁而祭於王士服也雜記曰大夫冕而祭於公弁而祭於己士弁而祭於公冠而祭於己注弁爵弁也冠元冠也祭於公助祭也大夫爵弁而祭於己唯孤耳又曰士弁而親迎然則士弁而祭於己可也士冠禮記曰三王共皮弁素積質不周禮曰弁師王之皮弁會五采玉璗象邸玉笄會縫中也璗讀如綦綦結五采玉十二以爲飾謂之綦詩云會弁骨爲之疏謂於弁內頂上以象骨爲邸又曰諸侯及孤卿大夫之韋弁皮弁各以其等爲之而掌其禁令玉亦二采一命之大夫及士韋弁皮弁之會無結飾疏天子與公不言韋弁此言之亦是互見之義詩曰有匪君子充耳琇瑩會弁如星又曰其帶伊絲其弁伊騏綦周禮曰司服凡兵事韋弁服暭朝則皮弁服士之服自皮弁而下如大夫之服玉藻曰天子皮弁以日視朝遂以食諸侯皮弁以聽朔於太廟士冠禮曰皮弁服素積緇帶素韞君視



天子袞冕十二旒每旒十二玉公袞冕九旒每旒九玉侯伯鬻冕七旒每旒七玉子男毳冕五旒每旒五玉孤孺冕四旒每旒四玉卿大夫元冕三旒每旒三玉

韋服謂之韋以赤韋爲之有龍火山之降殺夏后氏以山土曰韋韋朝服謂之韋君素韋謂之韋君素韋君朱大夫素士爵韋爲元端服之韋朝服皆素韋

韋考 按左傳曰哀冕蔽庭注云蔽韋以蔽膝也云蔽韋制同而名異鄭詩箋云芾大古蔽膝之象也冕服謂之芾其他服謂之韋以韋爲之詩云赤芾在股則芾是當股之衣故云以蔽膝也鄭氏易緯乾鑿度注云古者田漁而食因衣其皮先知蔽前者重古道而忘本也是說蔽韋之元由也明堂位云有虞氏服韋言舜始作韋也尊祭服異其名耳未必此時始存象後後王易之以布帛而獨存其蔽前者重古道而不示不聽謙左傳哀冕蔽庭

也凡韋皆是裳色其韋則有文飾焉玉藻曰韋下廣二尺上廣一尺長三尺其頸五寸肩草帶博二寸鄭云頸五寸亦謂廣也頸中央肩兩角皆上接革帶以繫之肩與革帶廣同是說韋之制也記傳更無韋制皆是韋義明其制與韋同經傳作韋或作韋或作芾音義同也明堂位注曰舜始作之以尊祭服禹湯至周增以畫文後王彌飾也山取其仁可仰也火取其明龍取其變化也疏云士冠禮士韋韋是士無飾推此則尊者飾多此有四等故知卿大夫加山諸侯加火天子加韋

冕考

按世本曰黃帝作冕冠之有大戴禮曰冕而前旒所以蔽明示不聽謙左傳哀冕蔽庭


疏云論語麻冕禮也蓋以木爲幹而用布衣之上元下朱取天地之色漢禮器制度云冕制皆長尺六寸廣八寸謂之冕者冕俛也以其後高前下有俛俯之形故因名焉蓋以在上位者失於驕矜欲令位彌高而志彌下故也又衡紵絰疏云冕以木爲幹以元布衣其上謂之絰玉藻弁師論語尚書皆云麻冕知其常用布也弁師五冕皆元冕論語尚書皆云麻冕知其常用布也弁師五冕皆元冕知其色用元也孔安國論語註言績麻三十升布以爲冕卽是絰也論語麻冕禮也孔註云冕緇布冠也績麻三十升布以爲之疏云鄭註喪服布八十幅爲升江慎修曰冕者冠之有延有旒孔以緇布冠解之與始冠之緇布冠相

混又謂績麻三十升布爲之亦非也古布幅闊二尺二寸當今尺一尺三寸七分半若容三十升之縷二千四百則今尺一分之地幾容一十八縷此必不能爲者也度不過十五升如今尺之一分容九縷已是細密難成矣周禮夏官曰弁師掌王之五冕皆元冕朱裏延紐注云冕服有六而言五冕者大裘之冕蓋無旒不聯數也延冕之覆在上者是以名焉紐小鼻在武上笄所貫也今時冠卷當簪者廣袞以冠縱其舊象與又曰五采縷十有二就皆五采玉十有二玉笄朱紵注云縷藻雜文之名也合五采絲爲之繩垂於延之前後各十二所謂達延也就成也繩之每一道而貫五采玉十二旒則十二玉也每就間蓋一寸朱紵以朱組爲紵也紵一條屬兩端於武也又曰諸侯公字之誤之縷旛九就璫玉三采其餘如王之事縷旛皆就玉璫玉笄注云三采朱白蒼也其餘謂延紐皆元覆朱裏與王同也孤卿大夫之冕各以其等爲之而掌其禁令注云各以其等縷旛以其命數也侯伯縷七就用玉九十八子男縷五就用玉五十縷玉皆三采孤縷四就用玉三十二三命之卿縷三命之大夫冕而無旒士變冕爲爵弁玉藻曰天子玉藻十有二旒前後邃延注云天子以五采藻爲旒旒十有二前後邃延者言皆出冕前後而垂也天子齊肩延冕上覆也元表纁裏禮器曰禮有以文爲貴者天子之冕朱綠藻十有二旒諸侯九上大夫七下大夫五士三注云朱綠似夏殷禮也周禮曰天子五采藻左傳曰衡統紵綻注云衡維持冠者統冠之垂者祭義曰天子冕而朱紵諸侯冕而青紵

**冕服考** 按書益稷曰帝曰予欲觀古人之象日月星辰山龍華蟲作會宗彝藻火粉米黼黻緜繡以五采彰施於五色作服汝明孔傳云天子服日月而下諸侯自龍衰而下至黼黻士服藻火大夫加粉米上得兼下下不得僭上孔疏曰鄭注云自日至黼黻凡十二章天子以飾祭服衣服用繪裳用繡至周而變之以三辰爲旂旗謂龍爲衰宗彝爲毳或損益上下更其等差王制疏云皋陶謨五服五章哉鄭注云五服十二也九也七也五也三也如鄭之意九者謂諸侯之服自山而下七者是伯之服自華蟲而下五者謂子男之服自藻而下三者卿大夫之服自粉米而下以上所云虞舜之制而夏殷註云未聞周禮春官司服曰王之吉服祀昊天上帝則服大裘而冕祀五帝亦如之

享先王則衰冕享先公饗射則鷩冕祀四望山川則毳冕祭社稷五祀則希冕祭羣小祀則元冕注云古天子冕服十二章舜欲觀焉華蟲五色之蟲希讀爲絲或作黹王者相變至周而以日月星辰畫於旌旗所謂三辰旂旗昭其明也九章初一曰龍次二曰山次三曰華蟲次四曰火次五曰宗彝皆畫以爲績次六曰藻次七曰粉米次八曰黼次九曰黻皆希以爲繡則衰之衣五章裳四章凡九也鷩畫以雉謂華蟲也其衣三章裳四章凡七也毳畫虎雉謂宗彝也其衣三章裳二章凡五也希刺粉米無畫也其衣一章裳二章凡三也元者衣無文裳刺黻而已是以謂元焉凡冕服皆元衣纁裳疏云古人必爲日月星辰於衣者取其明也山取其人所仰龍取其能變化華蟲取其文理衣是陽畫亦輕浮故衣績也宗彝非蟲獸之號以虎雉畫於宗彝尊因號虎雉爲宗彝虎雉同在於彝故此亦并爲一章也虎取其嚴猛歧鼻露向上兩則自懸於樹以尾塞鼻雖似獮猴而大黃黑色尾長數尺尾木有章取其潔亦取養人黼謂白黑爲形則斧文近刃白近上黑取斷割焉黻黑與青爲形則兩已相背取臣民背惡向善亦取君臣有合離之義去就之理也裳主陰刺亦是沉深之義故裳刺也江慎修曰三代制禮有益亦有損天子用物雖得備十二然冕戴於首既有十二旒十二玉以則天數冕服之章以九爲尊取陽數之極禮尚相變也鄭說俱允當有謂周冕服亦用十二章者非也春官司服又曰公之服自衰冕而下如王之服侯伯之服自鷩冕而下如公之服子男之服自毳冕而下如侯伯之服孤之服自希冕而下如子男之服卿大夫之服自元冕而下如孤之服注云自公之衰冕至卿大夫之元冕皆其朝聘天子及助祭之服諸侯非二王後其餘皆元冕而祭於己玉藻曰天子玉藻十有二旒前後邃延龍卷以祭元端而朝日於東門之外注云龍卷畫龍於衣字或作袁端當爲冕字之誤也元衣而免冕服之下疏云諸侯皮弁聽朔朝服視朝今天子皮弁視朝若元端聽朔則聽朔之服卑於視朝且聽朔大視朝小故知端當爲冕又曰諸侯元端以祭裨冕以朝注祭祭先君亦元冕亦當爲冕字之誤也諸侯祭廟之服唯魯與天子同朝朝天子也裨冕公衰侯伯鷩子男毳也疏云唯魯與天子同者明堂位云君衰冕立於阼夫人副裨立於房中是也此謂祭文王周公之廟得用天子之禮其祭魯公以下則亦元冕王制疏云公之衰冕數與王同其旒數則異故鄭注觀禮云上公衰無升龍其旒則九不十二也其三公司服無文按射人三公執璧與子

男同則服毳冕也有孤之國其孤綿冕卿大夫元冕士爵弁無孤之國卿綿冕大夫元冕以鄭注玉藻云諸侯之臣皆分爲三等也禮器曰禮有以文爲貴者天子龍哀諸侯黼大夫黻士元衣纁裳疏云人君因天之文章以表德德多則文備故天子龍哀諸侯以下文稍少也然周禮上公亦哀侯伯鷩子男毳孤卿綿大夫元士爵弁元衣纁裳今言諸侯黼大夫黻雜明夏殷禮也但夏殷衣有日月星辰今云龍哀者舉多文爲首耳左傳曰火龍黼黻昭其文也疏云周哀冕九章傳唯言四章畧以明義故文不具舉衣畫龍先於火今火先於龍知其言不以次也觀禮曰侯氏裨冕以釋奠於禰注云裨冕者裨衣而冠冕也裨之爲言埠也取裨陪天子六服大裘爲上其餘爲裨以事尊卑服之而諸侯亦服焉上公哀無升龍侯鷩子男毳孤綿卿大夫元此差司服所掌也



諸侯朝服若上士元裳中士黃裳下士雜裳天子士相禮者亦得服之○集註曰章甫禮冠禮郊特牲曰委貌周道也章甫殷道也毋追夏后氏之道也注云章甫綿布冠也三代各異其名其制相比皆無正文喪冠廣二寸見喪服篇賈疏則吉冠當亦如之非若後世之帽盡舉頭而蒙之也吉冠之異於喪冠者吉用縉而喪用麻布也吉冠之武



元衣則此元端也若以素爲裳卽是朝服此朝服素裳皆得謂之元端故論語端章甫註云端元端

用縉而喪之武以繩也吉冠之梁兩頭皆在武上從外向內反屈而縫之不見其畢喪冠外畢前後兩頭皆在武下自外出反屈而縫之見其畢謂之厭冠也吉冠縉武異材喪冠縉武同材也喪冠三辟積於二寸之梁上縮縫之大功以上右縫小功以下左縫殷以上吉冠亦三辟積向左縫周始變爲橫縫辟積無數冠形穹窿當長尺有數寸橫縫可十餘辟積雜記曰大白冠綿布之冠皆不蕤委武元縉而後蕤注云不蕤質無飾也大白冠大古之布冠也委武冠卷也秦人曰委齊人曰武元元冠也縉縉冠也疏云元縉二冠既先有別卷後乃可蕤故云而後蕤也大祥縉冠亦有蕤何以知之前旣云練冠亦條屬右縫則知縉不條屬旣別安卷灼然有蕤也鄉黨圖考云委委貌也武冠卷也委貌之制以冠委於武故云委武非委武有二名也委貌卽元冠下又云元者委武之制有元有縉故以委武總於上下分元縉二冠也蕤所以爲飾大白綿布之冠皆用布故有縉無蕤元冠用黑縉縉冠用生絹故垂蕤爲飾與綿布冠之別由疏失之玉藻曰始冠綿布冠自諸侯下達冠而敝之可也注云本大古耳非時王之法服也又曰元冠朱組縗天子之冠也綿布冠績縗諸侯之冠也注云皆始冠之冠也元冠委貌也諸侯綿布冠有縗尊者飾也非謂別安冠卷之故也鄭注本明疏不善隅反徒求之別安冠卷乎後人不識元冠續或作繪綾或作蕤又曰元冠丹組縗諸侯之齊冠也元冠綦雜組縗士之齊冠也注云齊時所服也四命以上齊祭異冠又曰縉冠元武子姓之冠也注云父有喪服子爲之不純吉也又曰縉冠素紱旣祥之冠也注云紱緣邊也於武少威儀燕無事者去飾疏云燕居之冠冠武相連屬燕居率畧少威儀又不加綾非燕居則冠以漆布爲之蓋旣祥之冠已祥祭而服之又曰垂綾五寸情游之士也注云情游罷民也亦縉冠素紱凶服之象也垂長綾明非旣祥又曰元冠縉武不齒之服也注云所放不帥教者又曰居冠屬武自天子下達有事然後綾註云燕居冠也著冠三代常履行道之冠也儒行曰孔子長居宋冠章甫之冠釋名曰章甫殷冠名甫丈夫也服之以表章丈夫也按章甫爲周之禮冠故相禮者服之

附冠制舊圖說俱依盧謙五經圖


舊圖冠制

不以紺緞飾



紺緞考 釋名曰紺含也青而含赤色也說文曰紺帛深青揚赤色類典曰以青爲質就赤之浮於外者言之謂之  
揚考工記曰鍾氏染羽以朱湛丹硫三月而熾之淳而漬之三入爲纏五入爲緞七入爲緞朱砂也湛浸也丹硫  
之使自厚四書典林曰士冠禮疏云凡染黑三入爲纏若以纏入赤則爲朱是四入以纏入黑則爲紺是亦故  
淮南子云以滌染紺則黑子滌又以紺入黑則爲緞是五入又爵弁注云其色赤而微黑或謂之緞鄉黨圖考曰紺  
緞皆赤黑之間色紺又黑于紺君子不以爲飾者謂其非正色也飾必用正色如深衣篇純以續純以青純以素是  
也不以紺緞爲飾猶之不以紅紫爲襯服耳緞又入黑爲緞爲元入元又入黑爲緞是大齊時服元冠元端而孔氏云  
齊服是誤以紺爲元矣練衣本以一染之縷爲緣而孔氏云練服是誤以緞爲縷矣邢疏不能辨其正緞淺絳元色  
集註亦因之耳

假如禮行於冬襖衣有禪衫又有襦袴襦袴上有裘  
前衿袒左袖掩諸前衿之右露裼衣之左袖是爲裼有  
時掩其上服不露裼衣之左袖是爲襲  
露出裼衣之左袖此是緞色便  
句倣此  
知裏面是羔裘下二



祭於君之服是緞衣羔裘又爲祭服矣

素衣麤裘考

邢疏

云素衣麤裘在國視朔之服也卿大夫士亦然其受外國聘享亦素衣麤裘儀禮聘禮曰裼

有

素衣麤裘

四書圖考

衣服

緞衣羔裘

素衣麤裘

卷十三

降立注引玉藻云廣裘青犴褒綾衣以裼之犴胡大絞音爻蒼黃色江慎修云胡大之色當是蒼黃故以蒼  
裼之色裼之凡裼者袒出左袖故裼衣但象其袖不論其裘又引論語云素衣縕裘又聘禮曰縕裘皮弁疏云諸侯與其臣視朔及行聘皆用縕裘但君之縕裘還用縕衰臣則用絞衣爲

其裼衣君臣亦有異若在國視朔君臣同素衣爲裼若聘禮君臣同用縕裘但主君用素衣爲裼使臣則用絞衣爲裼然君臣視朔既可以同裼豈行聘獨不可同裼乎不若皇氏云素衣爲正亂言絞耳聘禮云賓皮弁聘既服皮弁則必素衣縕裘矣古人製服衣與冠同故素衣縕裘當兼視朔聘享蜡祭亦素衣

黃衣狐裘考 邢疏黃衣狐裘謂大蜡息民之祭服當云臘祭按郊特牲蜡也者索也歲十二月夏十月孟冬合聚萬物而索饗之也皮弁素服而祭以送終也葛帶榛杖喪殺也是大蜡用素服素衣又云黃衣黃冠而祭息田夫也野夫

黃冠黃冠草服也注既蜡臘先祖五祀月令注臘之言臘以田獵于は勞民以休息之是息民之祭用黃衣又按玉藻狐裘黃衣以裼之注黃衣大蜡時臘先祖之服其實蜡與臘是兩祭月令孟冬天子乃祈來年於天宗大割祠於公社又云臘先祖五祀勞農以休息之蜡以息物老臘以息民勞息民固在蜡後矣以兩祭同月其事相次故連記之耳而蔡邕獨斷乃云周曰大蜡秦曰臘以蜡臘誤混爲一鄭元注臘先祖五祀遂云此卽蜡祭而邢疏又沿其誤

以黃衣狐裘爲蜡祭服也

襲楊考

按裘有表裘襲裘楊裘之名表裘者古人衣裘以毛爲裘毛在外故曰表無裼衣而裘在外故曰表裘也


襲裘者掩上服而不露裼衣故曰襲裘楊裘者正字通云袒衣見裘曰裼江慎修鄉黨圖考云古人有袒袖之禮行禮時開出上服前衿開衿方可袒出袖袒者袒而無衣肉袒也言裼或連言袒裼者袒而有衣也喪禮肉袒祭禮迎牲割牲養老禮割牲皆

內袒射禮惟君袒纏襍餘皆肉袒而以拾以皮韜左臂君在大夫射則肉袒覲禮侯氏請事右肉袒與尊常左袒者不同謂刑宜於右也左傳鄭伯肉袒牽羊謝罪也古人自是有左袒右袒之法故至漢初周勃討呂氏有爲劉氏左袒爲呂氏右袒之說凡與裘對者皆是袒左袖露裼衣見裼衣是某色則知是某裘故曰見美也見美者見美也五藻見美疏謂見裼衣之美語意未明

其上服裼衣上便是上服別無一重裘衣不袒袖別無所謂裘也後人不知裼裘之禮雖草廬吳氏猶云直其領而露裼衣謂之裼

四時皆有裼裘考 儀禮聘禮曰公側授宰玉裼降立受玉時襲既受以玉授宰裼而降立以待享注云裼者免上衣見裼衣凡袒裼者左袖也袒出左袖也疏云凡服四時不同假令冬有裘襯衣有禪衫又有襦袴襦袴之上有裘裘上有裼衣之上復有上服皮弁祭服之等若春秋二時則衣袴褶之上加以中衣中衣之上復有上服皮弁祭服之等若春秋二時則衣袴褶之上加以中衣中衣之上加以上服也

裘



裘

按儀禮義疏元培圖說正服方領殊衣裳則裘服領不方衣裳不殊可知

正色也綠紅碧紫纏緹間色也五行之理有相生者有相克者相生爲正色相克爲間色故甲已合而成綠則綠者青黃之雜以木克土故也丙辛合而成紅則紅者赤白之雜以火克金故也丁壬合而成紫則紫者赤黑之雜以水克火故也戊癸合而成黓則黓者黃黑之雜以土克水故也齊東野語云後世朝祭服綠服紺服紫蓋不特制度盡

四書圖考

文假

裘服

七


卷十三

裘服考 論語紅紫不以爲裘服注云王肅曰裘服私居服非公會之服皆不正裘尚不衣正服無所施玉藻曰非列采不入公門注云列采正服又曰纏爲繭緹爲袍注云衣有著之異名也衣中爲著緹謂今之新絲也緹謂今纏及舊絮也疏云鄭以好者爲絲惡者爲絮又曰禪爲絅帛爲褶注云絅有衣裳而無裏褶有表裏而無著鄉黨圖考曰在內之衣又名澤詩秦風與子同澤以其親膚近於垢澤也又曰袒服見左傳

紅紫考 按陳氏禮書曰青赤元黃白黑五大之

變而色亦失其正矣故集注有微意焉杜佑云以紫紺綠青爲命服昉於隋帝巡遊之時而其制遂定於唐然夏侯勝謂取青紫如拾地芥楊雄謂紝青拖紫則漢時資官之服已尚青紫矣今考漢制百官服元無服青紫者豈漢時章服尚元而青紫乃貴官燕居之服非微賤者可得服耶不然何勝雄之致美也夫謂紅紫不以爲襢服則當時襢服或有用紅紫者而孔子獨不用耳鄉黨圖考曰孔子言惡紫之奪朱當時尚紫亦有漸元冠紫綾自魯桓公始戰國策云齊紫敗素也而賈十倍蓋齊桓公有敗素染以爲紫下令貴紫人爭買之賈十倍管子言齊桓公好紫服齊人尚之五素而易一紫其貴紫有由來矣哀十七年衛渾良夫紫衣狐裘太子數其三罪殺之紫衣居一杜注紫衣僭君服可見當時君服紫

絳絲



按先著裏衣絲綿在外

珍絲綿考 說文曰絲細葛也絲蠶葛也論語註孔安國曰暑則單服絲綿葛也必表而出之加上衣疏云珍單也暑同單服必加尚表衣然後出之爲其形襢故也曲禮曰珍絲綿不入公門注云珍單也孔子曰當暑珍絲綿必表而出之爲其形襢疏云上無衣表則肉露見爲不敬玉藻曰振絲綿不入公門表裘不入公門注云振讀爲珍珍單也表裘外衣也二者形且襢皆當表之乃出疏云形解珍絲綿給其形露見襢解表裘在衣外可鄙襢二者皆上加表衣乃出也按注疏皆以表爲在絲綿外出之爲出門惟集註改舊說今從集註絲綿內雖有裏衣如入公門見賓客絲綿外仍當有衣裏衣如今之汗衫也備考詩蒙綉絲綿綿在內也論語表絲綿給絲綿在外也

居以厚之貉狐 狐右短裘裏



裘裘考 鄭黨圖考曰裘裘卽狐貉之裘玉藻云犬羊之裘不褐注謂庶人無文飾然則大羊是庶人之裘宜非君子所服也唯宜狐貉而已禮服之狐裘欲其文其毛當與裘服之狐裘異裘長則禮服之裘宜短以其行禮時有升降上下長則不便於行禮也裘裘之外當服深衣深衣卽所以襲裘者大羊之裘不褐則裘服亦不褐也

短右袂考

說文曰袂袖也禮深衣曰袂之長短反詛之及肘注云袂袖之連衣者上下廣二尺二寸肘長尺二寸故可以回肘周禮注云袂二尺二寸而屬幅廣袤等其祛尺二寸大夫以上侈之後之者蓋半而益一也祛袖口也

深衣曰袂圓以應規規者行舉手以爲容

按古人衣袂之長所以爲手容也襢則不必爲容故短其右以便作事

狐貉考

爾雅曰狸狐瑞音端猶字醜其足蹠音頭處指說文曰狐有三德其色中和小前大後死則卽首


狐貉考

# 四書圖考

卷八

明衣

寢衣有袂



寢衣

寢衣考

寢衣孔安國注曰卽今之被也說文曰被

寢衣也博雅曰寢衣衾轄被也毛詩疏曰今名曰被

古者曰衾論語謂之寢衣按自漢迄唐儒者皆以寢

衣爲被但魯論不以必字置寢衣下而冠之其上則

所異於聖人者在有寢衣若以寢衣爲被何獨異於

聖人而記之故集註謂當在齊必有明衣之下而揣

之以衣不敢仍舊說指是被江慎修鄉黨圖考云孔


注謂今之被則不當名寢衣夜寢必覆被亦不當特

記矣言衣則必有袂者也或是夫子特製之以爲齊

時之用極是而長讀去聲之義未詳今按陸氏釋文長直亮反集韻於漾字部內注云度長短曰長一曰餘二說皆

依說文作訓是集註長去聲所本也

明衣



按明衣必有裳裳上狹下寬必有辟積用幕布爲之其制類惟裳不另圖

被考 附  
按合璧事類曰被寢衣大被曰衾單被曰禡世之人或以錦綉或以布素或以楮皮爲之喪大記曰君錦衾大夫縞衾士緇衾然詩言錦衾爛兮不必君也被端有緣飾謂之紵喪大記注云紵以組類爲之餘詳上及喪服

明衣考 按儀禮士喪禮曰明衣裳用幕布  
帷幕之布升數未袂屬幅不削長下膝據衣有前後裳不辟不辟者以其一服不動不假上狹下寬也長及轂至足綿綉一染謂之綿今日綿在緇純音四書輯要曰此喪禮所言明衣可借

爲齊時明衣之證陳祥道禮書云明衣之袂屬幅而不削明衣之裳前三後四而不辟積衣之長也下膝與要廣者異矣裳之長也及足跗與無見膚者異矣江慎修鄉黨圖考云今據疏不辟積者以其一服不動若生時明衣裳當有辟積又按他服在內者不殊裳亦無緣而明衣親身衣裳殊上下皆有緣意者特爲齊時制之與記云齊之元也以陰幽思也則齊時仍有黑色之衣卽元端事物類考云三代以來有明衣唐用生絹單衣今但新衣而已

齊必沐浴考

出註

按玉藻將適公所夙齊戒居外寢沐浴則知齊者之心沐浴也又按內則曰五日則燭湯請浴

三日具沐玉藻曰日五盥沐稷而礱梁注云盥洗手也沐稷以漸稷之水洗髮也礱梁以漸梁之水洗面也又曰浴

用二巾上繩下紿儀禮聘禮曰館人爲客三日具沐五日具浴楚詞新沐者必彈冠新浴者必振衣

帷裳考 物原曰軒轅作幙帳周禮曰寡人掌帷幕

幄帀之事注云帷幕以布大帳也幄帀以繪小帳也

說文曰障圍在旁曰帷釋名曰帷圍也廣雅曰帷帳

也按朝祭之服取其方正故裳用正幅如帷名曰帷

裳則無殺縫上下齊潤猶今之裙然襞積是今之衣

摺以人身之腰爲小故以腰之兩旁摺之使狹以就

腰爾殺者斜裁其幅而倒合之使上狹下潤以就腰


而有縫也殺則無襞積以其斜裁也不殺則有襞積

以其用正幅也周禮司服注裳與冕相配九命七命

裳皆四章五命裳二章三命裳一章論語端章甫疏


天子諸侯朱裳大夫素裳上士元裳中士黃裳下士雜裳禮器上元衣纁裳注此士助祭於君之服自天子至士皆元衣纁裳士特無繪繡耳此皆所謂朝祭之裳也

裳帷




四書圖考  
卷三十一

深衣



深衣考 出註 禮記義疏 御案衣之制同而名異者純之以采曰深衣純之以素曰長衣純之以布曰麻衣著在朝服祭服之內曰中衣而深衣則最爲簡便者其制應規矩繩權衡袂圓以應規曲衿如矩以應方負繩及踝以應直下齊如權衡以應平衣身方二尺用布幅二尺二寸之廣而削其二寸也袂方二尺廣與衣身相等也袂廣尺二寸殺其八寸也裳則上狹而下闊以布六幅斜裁爲十二幅皆寬者居下狹者居上合六幅計之下畔一丈四尺四寸則腰縫半之爲七尺二寸所謂要半同齊倍要也續衽居下狹者居上合六幅計之下畔一丈四尺四寸則腰縫半之爲七尺二寸所謂要半同齊倍要也續衽

鈞邊者鄭注云續屬也衽在裳旁者也屬連之不殊裳前後也鈞邊者縫既畢又將其右幅之一旁掩其左幅之一旁而鈞縫其所裁之邊也大抵深衣之異於凡服者六凡服衣裳不相連而深衣則連衣裳一也凡服幅前三後四深衣則斜裁六幅爲十二幅二也凡服之帶三分帶下而紳居二深衣則帶當無骨者三也凡服上下殊名深衣則名通上下四也凡服吉凶異用深衣則通乎吉凶五也凡服男女殊制深衣則男女制同六也此所以無適不宜而爲善衣之次也○禮記深衣篇鄭氏目錄疏云凡深衣皆用諸侯大夫士夕時所著之服庶人吉服亦深衣皆著之在表也其中衣在朝服祭服喪服之下謂在內但喪服中衣不得繼揜尺其吉服中衣亦以采緣諸侯得納黼爲領丹朱爲緣大夫士但用采緣而已其長衣以素緣



深衣考 江慎修鄉黨圖考曰深衣者聖賢之法服衣用正幅裳之中幅亦以正裁惟衽在裳旁始用斜裁布幅二尺二寸深衣裳用布六幅裁爲十二幅其當裳之前衽後裾正處者以布四幅正裁爲八幅上下皆廣一尺一寸各邊去一寸爲縫一幅上下皆正得九寸八幅七尺二寸其在上者既足腰中之數矣下齊裳倍於腰又以布二幅斜裁爲四幅狹頭二寸寬頭二尺各去一寸爲縫狹頭成角寬頭一尺八寸皆以成角者向上以廣一尺八寸者向下則四幅下廣亦得七尺二寸合於齊得一丈四尺四寸此四幅連屬於裳之兩旁別名爲衽所謂衽當旁是也所謂非帷裳必殺之者如此深衣裳無襞積必須兩旁有斜裁倒縫之衽方能上狹下廣意當時或有不用斜裁而作襞積於裳者故特記非帷裳必殺之明夫子深衣必用古制也玉藻縫齊倍要孔疏妄謂六幅皆縫會謂聖賢法服而有是哉按 御案本孔疏

江慎修鄉黨圖考與孔疏畧異

長衣中衣考 附 禮書曰鄭氏禮記目錄云深衣連衣裳而純之以采者有表則謂之中衣孔穎達曰中衣之制與深衣同其異者中衣之袖小長耳玉藻言深衣之制而間以長中繼揜尺深衣與長中同制異飾連裳方衿直繩旁

四書圖考

衣服

深衣 長衣 中衣

十一


卷十三

四書圖

不月

緇袍 羔裘元冠不以弔

衽以至裳十二幅要三祛縫齊倍要之類此其所同也深衣之純以采若素長衣之純素而已中衣之飾繡黼丹朱而與長衣又繼掩尺焉所謂掩尺者幅廣二尺二寸以半幅繼袂之末掩餘一尺長衣之掩以布中衣掩或素或布各象其衣然也若深衣則緣而已此其所異也蓋以其衣裳邃焉故謂之深衣以其祛袖長焉故謂之長衣以其有表而在中焉故謂之中衣○又曰長衣與深衣同以布中衣與長衣同掩袂深衣中衣用於吉凶長衣用於凶而已緇袍者曹氏寅谷曰集註云緇枲著也袍衣有著者也蓋衣之賤者按爾雅袍襍也詩疏補是袍之別名謂裝緇著袍者也說文以絮曰繭以緇曰袍釋名袍丈夫著下至跗者也袍也也也內衣秦風無衣云與子同袍玉藻云縷爲緇緇爲袍注衣有著之名也縷謂今縷及舊絮也疏鄭以好者爲綿惡者爲絮據喪大記衣有三名一單衣名禪衣一夾衣名褶衣一絮衣名複衣複卽袍也袍必有絮實其中古無木棉祇取繭縷與緇枲之亂者搏而爲絮以縷爲絮卽謂繭枲卽謂之緇袍



其大畧也 廬謙五經圖云齊服有元端卽元冠也用於吉禮

**朝服**

羔裘元冠不以弔考 禮記玉藻曰元冠丹組纓諸侯之齊冠也元冠綦組纓士之齊冠也李氏曰羔裘朝服元冠祭服用之於吉故不以弔注俗大全云元冠有兩用一施於朝服一施於元端朝服元冠王以之田以燕羣臣以養老王之卿以從燕諸侯以日視朝以食以行道諸侯之孤卿大夫以朝君以爲與其君日視朝之服大夫士以爲祭服士冠以之筮日元端元冠則天子卒食以居諸侯孤卿大夫士以爲私朝之吉冠元喪冠素吉冠不條屬喪冠條屬吉冠綏喪冠不綏吉冠緣喪冠不緣居冠屬武非居冠不屬武此不綏吉冠緣喪冠不緣居冠屬武非居冠不屬武此


羔裘當兼朝服祭服詳緇衣羔裘考

**朝服考** 禮玉藻曰諸侯朝服以日視朝於內朝又朝服以食陳澗注云諸侯以元冕緇衣素裳爲朝服凡在朝君臣上下同服但士服則謂之元端又曰朝服之以縞也自季康子始也孔子曰朝服而朝卒朔然後服之陳澗注云聽朔重于視朝聽朔服皮弁故卒聽朔之事然後服朝服雜記曰朝服十五升儀禮士冠禮曰筮於廟門主人元冠朝服緇帶素韞注云元冠委貌也朝服者十五升布衣而素裳也衣不言色者衣與冠同也緇帶黑緇帶也禮之通例衣與冠同色裳與韞同色按十五

升布古未有棉花布以麻爲之幅廣二尺二寸十五升則一千二百縷乃麻布之極細者也○曹氏寅谷曰孔安國鄉黨註云朝服皮弁服邢疏據士冠禮皮弁服素積緇帶素韞鄭注此與君視朔之服謂魯自文公不行視朔之禮孔子惡其禮廢故每於月朔必衣此視朔之服而朝於君所謂我愛其禮也此不然按王藻天子與其臣元冕以視朔皮弁以日視朝諸侯與其臣皮弁以視朔朝服以日視朝朝服者十五升布也衣與元端同而用皮弁服之裳裳

則以素繒爲之故鄭曰元端卽朝服之衣易其裳也皮弁雖天子之朝服然素服素裳皆素繒而非布名之曰皮弁服不名朝服侯國亦從未有以朝服爲皮弁服者且孔子曰朝服而朝卒朔然後服之禮疏卒朔謂卒告朔之時服皮弁服告朔禮終脫去皮弁服而後服朝服是孔注之說非也又朝服之以縞也自季康子始也據家語夫子曰君臣視朝上下同服縞衣羔裘惟諸侯皮弁以告朔卒朔然後服縞以視朝王肅注孔子惡指斥康子但言諸侯明朝服不以縞是縞者因視朔以視朝則然魯君而不視朔矣君不服其服而臣服之則朔禮亡臣非所服而服之且常服之則朔禮亡而朝禮亦廢鄉黨書吉月必朝服而朝亦一月更新示不忘君之意非從而視朔也假使子徒以愛禮之故服皮弁服而往而餼羊空設子又無廢然而返之理其將卽服此而朝君歟則聖人從康子後也是邢疏之說亦非也余謂朝服當卽禮所謂元端服賈疏朝服亦名端論語註謂端諸侯視朝之服是也古衣與冠相配禮稱元冠朝服而衣不言色者凡染黑五入爲紱七入爲縞鄭疑元爲六入元卽縞色之小別明乎朝服之爲縞布衣也鄉黨書月吉之朝於羔裘元冠不以弔之下凶主素吉主元其卽吾子之所謂朝服者是耶

諸侯祭服 按祭統曰夫人蠶於北郊以共冕服又曰君純冕立於阼玉藻曰諸侯元端以祭禪冕以朝鄭氏謂諸侯祭宗廟之服惟魯及二王之後哀冕餘皆元冕考之雜記大夫冕而祭於公弁而祭於己士弁而祭於公冠而祭於己以其致隆於公不敢與己同其服則諸侯以鷩毳希冕祭於王端冕祭於己宜矣然玉藻元端以祭言其服也元端無章則三旒之冕可知鄭氏易端爲冕過矣



帶考 按陳氏祥道曰古者韋帶大帶皆謂之鞶春秋傳所謂鞶屬大帶也內則所謂男鞶草帶也天子至士帶皆合帛爲之但有或以素或以練或終辟或辟垂或飾或朱綠或元華之不同故大夫帶廣四寸則其上可知而士不必四寸也士紳三尺則其上可知而有司止於二尺五寸也士喪禮見韁自有帶韁帶用韁笏擣於帶之右旁然則韁帶博二寸用以繫佩韁然後加以大帶而佩繫於韁帶笏擣於二帶之間矣春秋傳鞶屬昭其數注

曰鞶紳帶也一名大帶厲大帶之垂者尊卑各有數疏云易或錫之鞶帶知鞶卽帶也以帶束腰垂其餘以爲飾謂之紳上帶爲草帶所以繫韁韁與雜佩在大帶之上故云鞶紳帶所以別大帶也大帶之垂者名之爲紳而復名爲厲者紳是帶之名厲是垂之貌詩稱垂帶而厲是也玉藻紳長制士三尺有司二尺有五寸又大夫以上帶廣四寸士廣二寸是鞶厲有數也

束帶考

周氏理袁曰武曹云凡冕服皆素帶而爵弁皮弁朝服元端則皆縞帶爲揷相者當服元端所謂與賓客言者乃縞帶也蓋縞帶卽練帶士冠禮疏云練帶縞辟而云縞帶者據辟而言也愚謂帶制不一有草帶有雜帶有大帶論語言立朝服正服則宜大帶草帶繫韁與佩之類左氏疏云易或錫之鞶帶知鞶卽帶也以帶束腰隨其餘以爲飾謂之紳上帶謂草帶故云鞶紳帶也據此則草帶在於大帶之上矣雜帶爲燕私之所在玉藻大夫大帶四寸雜帶君朱綠大夫元華士縞辟二寸再繚四寸三禮義疏云大帶正服之帶雜帶雜服之帶深衣帶下毋厭辟上毋厭晉疏云此深衣帶下於朝祭服之帶也朝祭服之帶則近上故玉藻云參分帶下紳居二焉是自帶以下四


四言圖

書紳  
佩

尺五寸也據此則雜帶惟燕私所用其制下於大帶矣而夫子言赤何以獨舉束帶正是舉一束帶以該冠裳釋烏  
邢疏所謂盛服束帶是也內則疏云子事父母一節皆依事先後櫛訖加縱縱訖加笄笄訖加總總訖加髦著冠冠  
畢然後元端著韞又加大帶也大戴禮帶銘曰火滅修容注云雖夜寢其容不可以苟帶先釋故因言之據此則知  
帶爲後加又爲先釋舉一束帶而冠裳釋烏頃流比耳

書紳考 趙氏鹿泉曰疏述玉藻云天子素帶朱裏終辟諸侯素帶不朱裏而終辟大夫素帶辟垂士練帶率下辟居士錦帶弟子縞帶紳長制士三尺有司二尺有五寸參分帶下紳居二焉然未詳書之若何玉藻記書笏矣笏可書紳不可書玩鄭讀玉藻辟字如裨冕之裨謂以繪采飾其側竊謂似可如字作襞積之辟率卽綽音律謂縷緝也終辟者上下皆辟之大夫止辟其垂者卽紳也士辟其垂之末而已此士乃仕列之士故下別言居士錦尙文縞尙質然則子張是時其錦帶與紳之長三尺則書諸紳亦刺文於其上與或曰紳有囊蓋書而貯之

戴禮下車以佩玉爲度上有蕙衡下有雙璜衝牙玭珠以納其間琚瑀以雜之陳氏祥道謂其上衡下璜中有琚瑀下有衝牙貫之以組綬納之以螭珠而其色有白蒼赤之辯其聲有角徵宮羽之應其象有仁義禮樂忠信道德之備或結或垂所以著屈伸之理或設或否所以適文質之宜此所以純固之德不內遷非僻之心無自入也蓋衡以平其心璜以中其德琚欲其有所安牙欲其有所制右徵角所以象事與民左宮羽所以象君與物趨以采齊行以肆夏所以比於樂周旋中規折旋中矩所以比於禮則佩之爲物奚適而非道也○釋名曰佩倍也言非一物有倍貳也毛詩疑義議曰佩者服用之稱珮者玉器之名稱其物用則字從人名其器物則字從玉



用屨脫屨之節

十三

施於至嚴之時凡取火皆木燧豈有間於陰晴耶其說如此但燧言鑽則木燧當銳舊圖首尾皆銳則首尾皆可鑽也。玦內則注曰射者著於右手大指所以鉤弦而開弓體也。捍內則注曰捍拾也韜左臂而收拾衣袖以利弦也。管內則注云舊注云筆彊○遷內則注云刀室也又曰刀韁也詩曰韁琫有珌又曰韁琫容刀

佩考 玉藻曰孔子佩象環五寸而綦組綬注云謙不比德亦不事也象有文理者也環取可循而無窮疏云孔子以象牙爲環廣五寸以綦組綬注云謙然者失魯司冠故謙不復佩德佩及事佩示已無德事也象牙有文理言已有文章也爲環者示已文教所環無窮也五寸法五行也江慎修云論語言去喪無所不佩則瑞珮之玉鑣燧之屬皆當佩之矣佩象環在去魯之後或當如疏說




佩考 玉藻曰孔子佩象環五寸而綦組綬注云謙不比德亦不事也象有文理者也環取可循而無窮疏云孔子以象牙爲環廣五寸以綦組綬注云謙然者失魯司冠故謙不復佩德佩及事佩示已無德事也象牙有文理言已有文章也爲環者示已文教所環無窮也五寸法五行也江慎修云論語言去喪無所不佩則瑞珮之玉鑣燧之屬皆當佩之矣佩象環在去魯之後或當如疏說



屨考 儀禮義疏 御案士冠禮屨夏用葛冬用皮其色有黑有白有纏其制有纏有約有紳士相見鄉飲酒燕禮俱有取屨脫屨之文曲禮玉藻少儀俱言脫屨納屨之節蓋古人於屨以不脫者致其敬以脫者盡其歡所謂一舉足而不敢苟者如此


用屨脫屨之節 附 按禮書曰儀禮士相見禮若君賜之爵升席祭卒爵退坐取屨隱辟而后屨鄉飲酒禮司正請坐于賓賓主人介衆賓皆降說屨揖讓如初升坐燕禮賓及卿大夫皆說屨升就席士虞禮曰尸坐不說屨曲禮戶外有二屨吉闔則入言不聞則不入母跪屨侍坐于長者屨不上於堂解屨不敢當階就屨跪而舉之屏於側鄉長者而屨跪而遷屨俯而納屨內則曰屨著綦玉藻曰禮已三爵油油以退退則坐取屨隱辟而後屨坐左納右坐右納左則屨之脫納皆有儀矣昔諸聲子韞而登席其君戟手而怒之此知脫屨而不知跣也後世人臣脫屨然後升堂此知致敬而不知非坐不脫屨也




大宗小宗

大宗小宗考 宗法乃服制之本故附此 儀禮義疏  
御案儀禮喪服傳曰尊者尊統上卑者尊統下大宗者尊之統也大宗者收族者也不可以絕故族人以支子後大宗也適子不得後大宗喪服丈夫婦人爲宗子宗子之母妻齊衰三月傳曰尊祖也尊祖故敬宗敬宗者尊祖之義也喪服小記曰別子爲祖繼別爲宗繼補者爲小宗有五世而遷之宗宗其繼高祖者也是故祖遷於上宗易於下尊祖故敬宗敬宗所以尊祖補也大傳曰別子爲祖繼別爲宗繼補者爲小宗有百世不遷之宗有五世則遷之宗百世不遷者別子之後也宗其繼別子者百世不遷者也宗其繼高祖者五世則遷者也有小宗而無大宗者有大宗而無小宗者有無宗亦莫之宗者公子是也聶氏

崇義曰別子爲祖謂諸侯適子之弟別於正適故稱別子爲祖者謂此別子子孫爲卿大夫者立此別子爲始祖也繼別爲大宗謂別子之世長子恒繼別子與族人爲百世不遷之大宗也繼補者爲小宗補謂別子之庶子其庶子所生長子繼此庶子與兄弟爲小宗故云繼補爲小宗謂之小宗者以五世則遷比大宗爲小也所謂有五世則遷之宗其繼高祖者也繼高祖者其實是繼高祖者之子以繼高祖者之身未滿五世猶爲宗也○又公子不得補先君故爲別子而繼別者族人宗之爲大宗遠至絕屬猶爲之服齊衰三月母妻亦然庶子不得祭祖故諸兄弟宗之爲小宗以其服服之大宗遠祖之正體小宗高祖之正體也別子有三一是諸侯適子之弟別於適長二是異姓公子來自他國別於本國不來者三是庶姓崛起於是邦爲卿大夫別於不仕者皆稱別子此別子爲後世之始祖族人百世宗之而不遷故爲大宗大宗一而已小宗則一人之身而所宗凡四事親兄弟之適是繼補小宗也事同堂兄弟之適是繼祖小宗也事再從兄弟之適是繼曾祖小宗也事三從兄弟之適是繼高祖小宗也小宗有此四者而小記獨云繼補者初皆繼補爲始故據始而言之也夫先王立宗法而吉凶相及緩急相扶尊卑有紀親疏有倫然後一族如一家一家如一人此禮俗所以成而民風所由厚也因宗法爲服制之本故先圖於此○呂氏祖謙曰別子爲祖如魯桓公生四子莊公旣立則慶父叔牙季友爲別子繼別爲宗如公孫敖繼慶父爲大宗繼補爲小宗如季武子立悼子悼子之兄曰公彌悼子爲大宗而其繼公彌者爲小宗所以謂之繼補者蓋自繼其父爲小宗不繼祖故也






The image contains four detailed line drawings of traditional Chinese sashes and belts. In the top left, there is a circular sash labeled '帶絞' (Jiaobai). In the top right, there is a circular sash labeled '絰苴衰斬' (Jian Jia Cai Zhan). In the bottom left, there is a circular sash labeled '絰腰' (Jian Zhao). In the bottom right, there is a circular sash labeled '衰' (Cai).

四言圖

衣用

大功牡麻經纓 小功葛經帶



大則小功是用功細小精密者也澆者謂以枲麻治去孽垢使之滑淨也引小記者見小功有本是齊衰之喪若大功下殤則入總麻也云屈而反以報之者謂先以一股麻不絕本者爲一條展之爲繩報合也以一頭屈而反鄉上合之乃綾垂之必屈而反以合者見其重也引之者證此帶亦不絕本也案服問云小功無變也又云麻之有本者變三年之葛彼云小功無變據成人小功無變三年之葛云有本得變之則知大功殤長中在小功者經帶無本也以此而言經專據齊衰下殤小功重者而言也正小功布衰裳牡麻經卽葛五月者此則成人小功輕於殤小功故次之也注云小功輕三月變麻因故衰以就葛經帶而五月也間傳曰小功之葛與總之麻同疏云引聞傳者見小功有變麻服葛法大小同故變同之也。正小功有正降義三等其衰裳之制澆麻帶經同惟斷本與殤小功爲異耳

耳	總 縷 縷	儀禮義疏	御案雜記曰總冠澆纓總冠者
管	縷 管	冠與衰同用總布澆纓者以其灰澆治布爲纓與	
管	縷 管	冠別以其冠與衰皆不治纓則澆治之以其輕以	
管	縷 管	圖其冠纓相連以異於上也。總者絲也謂治其	
管	縷 管	縷細如絲也古總絲二字通用	
管	縷 管	儀禮義疏 御案管履者菅菲外納也在周	
管	縷 管	公時謂之履在于夏時謂之菲其實一也菅履謂	
管	縷 管	以菅草爲履菅白華也已漚爲菅漚菅柔韌中用	
管	縷 管	此菅已漚者用之爲履外納者向外編之也。斬衰言菅履見草體舉惡貌其服重也齊衰言疏履	
管	縷 管	衰言菅履見草體舉惡貌其服重也齊衰言疏履	

舉草之總稱其服輕也自此不杖期則言麻屨齊衰三月則與大功同繩屨小功總麻又沒其屨號各因差降也

四書圖考

衣服

苴杖削杖

殯

儀禮義疏

御案苴杖之義有三苴杖竹也父者

子之天竹圓象天一也竹內外有節象子爲父亦兼



內外之痛二也竹貫四時而不變子之痛父亦經寒

暑不改三也削象之義亦有三削杖桐也削之使下方取母象地也一也桐之言同也取内心悲傷同於父也二也

桐外無節象家無二尊故外屈於父爲之齊衰經時而有變也三也

儀禮義疏 御案士喪禮明衣裳用布記云明衣裳用幕布袂屬幅長下膝注云幕布帷幕之布升數未聞屬幅不削幅也長下膝者謂制此衣至膝下亦有裳前三幅後四幅不辟積腰閒者以其一服不動不假上狹

被土也此不辟積腰閒者以其一服不動不假上狹下寬也士喪禮下篇曰綽綽是裳之飾也綽純卽此衣之飾也一染謂之綽在幅曰綽在下曰緺衣以綽裳以縕象天地也



喪大記云小斂絞縮者一橫者三大斂布絞縮者三橫者五絞紵如朝服注云絞既斂所用束堅之者也縮縱也如朝服者謂布精麤如朝服十五升也疏云從者一幅置於戶下橫者三幅亦在戶下從者在橫者之上每幅之末析爲兩片以結束爲便也


士喪禮云掩練帛也廣終幅長五尺析其末作掩爲裹戶首故也析其末者以後二脚於頤下結之既瑱瞑目之後乃以前二脚倒結於項中也○喪大記云君錦冒黼殺綴旁七大夫元冒黼殺綴旁五士繙冒黼殺綴旁三凡冒質長與手齊殺三尺又士喪禮冒綹質長與手齊殺掩足注云冒制如直囊上曰質下曰殺質正也其用之先以殺韁足而上後以質韁首而下齊手上元下纏象天地也

殯 禮記檀弓曰子游曰飯于牖下小斂于戶內大斂于阼殯于客位祖于庭葬于墓所以即遠也儀禮士喪禮曰主人奉尸斂于棺注云棺在肆中斂尸焉所謂殯也禮王制曰天子七日而殯諸侯五日而殯大夫士庶人三日而殯檀弓曰賓客至無所館夫子曰生於我乎館死於我乎殯又曰夫子曰夏后氏殯於東階之上則猶賓之也周人殯於西階之上則猶賓之也又曰孔子少孤不知其墓殯於五父之衢人之見之者皆以爲葬也其慎也蓋

殯也又曰帷殯非古也當襄其帷開自敬姜之哭穆伯始也又曰里有殯不巷歌又曰夏后氏斂用昏殷人斂用日中周人斂用日出


## 衾衣

衾




## 衾衣

絳



## 夷衾

衣衾考衣不立圖


喪大記小斂君錦衾大夫縞衾士緇衾皆一至大斂又制二衾君大夫士一也凡衾皆五幅布於絞上衾者卽今之被也給者禪被也五幅白布爲之小斂以往用夷衾又小斂衣十九稱衣必有裳爲一稱也大斂君陳衣百稱大夫五十稱士三十稱檀弓曰葬也者藏也欲人之弗得見也是故衣足以飾身棺周於衣

棺椁考不立圖白虎通白棺之爲言貌所以藏尸令貌全也椁之爲言廓所以開廓辟土無令迫棺也檀弓曰有虞氏瓦棺夏后氏堲周殷人棺椁周人牆置翣又曰天子之棺四重注云諸公三重諸侯再重大夫一重士不重喪

大記曰上大夫大棺八寸屬六寸下大夫棺六寸屬四寸士棺六寸注云大棺在外屬在裏士無屬庶人棺四寸檀弓曰衣足以飾身棺周於衣椁周於棺土周於椁反壞樹之哉又曰子游問喪具夫子曰稱家之有亡有母過禮苟士矣斂首足形還葬縣棺而封音窆人豈有非之者哉又曰昔者夫子居於宋見桓司馬自爲石椁三年而不成夫子曰若是其靡也又曰夫子制於中都四寸之棺五寸之椁以斯知不欲速朽也又曰子路曰傷哉貧也死無以爲禮

也孔子曰斂首足形還葬而無椁稱其財斯之謂禮

喪	夷	冰	用	喪
禮記喪大記曰君設大盤造冰周 禮曰凌人大喪其夷盤冰注云夷 之言尸也實冰於夷盤中置之尸 牀之下所以寒尸也尸之盤曰夷 盤牀曰夷牀衾曰夷衾				



檀弓曰葬者藏也欲人之弗得見也坊記曰葬於墓所以示遠也左傳隱元年天子七月而葬同軌畢至諸侯五月同盟至大夫三月同位至士踰月外姻至喪大記曰大夫葬用轎二綺一碑御棺用茅士葬用車二綺無碑曲禮曰居喪未葬讀喪禮既葬讀祭禮檀弓曰子思曰喪三日而殯凡附於身者必誠必信勿之有悔焉耳矣三月而葬大凡附於棺者必誠必信勿之有悔焉耳矣又曰孔子旣得合葬於防曰吾聞之古也墓而不墳于是封之崇四尺防墓崩孔子泣然流涕曰吾聞之古不修墓易下繫曰古之葬者厚衣之以薪葬之中野不封不樹後世聖人易之以棺椁蓋取諸大過檀弓曰子游問喪具夫子曰稱家之有亡苟亡矣斂首足形還葬縣棺而封窆人豈有非之者哉又曰子路曰傷哉貧也死無以爲禮也孔子曰斂首足形還葬而無椁稱其財斯之謂禮又曰宋襄公葬其夫人醯醢百甕曾子曰旣曰明器矣而又實之又曰孔子之喪有自燕來觀者舍於子夏氏子夏曰聖人之葬人與人之葬聖人也子何觀焉昔者夫子言之曰吾見封之若堂者矣見若覆夏屋者矣見若斧者矣從若斧者焉馬鬣封之謂也又曰葬於北方北首三代之達禮也之幽之故也又曰季子皋葬其妻犯人之禾申祥以

告曰請庚音借之子臯曰買道而葬後難繼也又曰延陵季子適齊於其反也其長子死葬於嬴博之間其坎深不如有望而弗至又曰太公封于營邱比及五世皆反葬於周又曰季武子成寢杜氏之葬在西階之下請合葬焉武子曰合葬非古也自周公以來未之有改也又曰陳子車死於衛其妻與其家大夫謀以殉葬子亢曰以殉葬非禮也又曰陳乾昔寢疾曰如我死使吾二婢子夾我陳乾昔死其子曰以殉葬非禮也弗果殺

死葬祭 檀弓曰葬於北方北首三代之達禮也之幽之故也既封窆主人贈而祝宿音肅虞安戶既反哭主人與有司視虞牲有司以几筵舍奠於墓左反日中而虞葬日虞弗忍一日離也是日也以虞易奠哭曰成事注云祭以吉爲成卒哭之祭乃吉祭也又曰是日也以吉祭卒哭易喪祭虞明日柔祔于祖父注云祔之爲言附也祔祭者告其祖父以當遷他廟而告新死者以當入此廟也又曰殷練而祔周卒哭而祔孔子善殷儀禮士虞禮記曰死三日而殯三月而葬遂卒哭將旦而祔朞月而小祥又朞而大祥中月而禫是月也吉祭禮記雜記曰士三月而葬是月也卒哭大夫三月而葬五月而卒哭儀禮既夕曰三虞卒哭明日以其班祔士虞禮曰始虞用柔日再虞皆如初三虞卒哭他另用剛日檀弓注云若丁巳日葬是日初虞則已日再虞後虞改用剛日則庚日三虞也按始死小斂大斂朝夕朔月朝祖賜遣之類皆喪奠也大夫三月柔而葬是日始有虞祭閒一日柔日又有虞祭次日剛日又有虞祭此後遇剛日則虞祭至祔之前一日有卒哭之祭明日祔於祖父則有祔祭及朞則有小祥之祭又朞則有大祥之祭再經一月則有禫祭二十七月除服之祭以後則有四時吉祭

弔考 周禮司服凡凶事服弁服弔事弁絰服檀弓曰始死羔裘元冠者易之而已羔裘元冠夫子不以弔疏云羔裘元冠朝服也又曰曾子襲裘而弔子游裼裘而弔主人既小斂袒括髮子游趨而出襲裘帶絰而入疏云主人未變服之前弔者吉服羔裘元冠緇衣素裳又袒去上服以露裼衣此裼裘而弔是也主人既變服之後弔者雖著朝服而加武以絰又掩其上服若是朋友又加帶此襲裘帶絰而入是也又曰五十無車者不越疆而弔人又曰大夫弔當事而至則辭焉弔於人是日不樂行弔之日不飲酒食肉焉弔於葬者必執引引櫬車喪公弔之必有拜者雖

朋友州里舍人可也弔曰寡君承事主人曰臨謝辱之命臨君遇柩於路必使人弔之大夫之喪庶人不受弔又曰勝成公之喪使子服敬叔弔又曰哀公使人弔蕡尚遇諸道辟於路晝宮而受弔焉又曰殷既封窆而弔周反哭而弔孔子曰殷已憇

居喪總考 裢服小記曰斬衰父括髮以麻爲母齊括髮以麻與喪免而以布專言斬衰之葛卒哭後與齊衰之麻與父同始死之同同大齊衰之葛與大功之麻同聞傳曰斬衰貌若苴薰黑齊衰貌若枲枯黑大功貌若止拘色小功總麻容貌可也斬衰之哭若往而不反齊衰之哭若往而反大功之哭三曲而儻小功總麻哀容可也斬衰唯而不對答齊衰對而不言不先大功言而不議不泛論他事事小功總麻議而不及樂父母之喪居倚廬寢苦枕塊不稅帶絰齊衰之喪居聖室芊翦不納父母之喪既虞卒哭柱楣芊翦不納期而小祥居聖室寢有席又期而大祥二十居復寢中月閏一而禫二十七月而禫而牀斬衰三升正服三升義服三齊衰四升服降五升正服六升義服六斬衰三升既虞卒哭受以成布六升六升以下冠七升爲母成布斬衰四升受以成布七升冠八升去麻服葛葛帶三重綱綱領四股期而小祥練冠縗緣縗緣要經不除

斬衰考 儀禮喪服曰斬衰裳苴絰杖絰帶冠纓菅屨者父諸侯爲天子君諸侯卿大夫父爲長子傳爲人後者妻爲夫妾爲君女子子在室爲父子嫁被出在父之室公士大夫之衆臣爲其君按此斬衰三年之服○按父爲長子斬衰三年母爲長子齊衰三年之服○期者父在爲母妻出妻之子爲母父卒繼母嫁從爲之服報按此齊衰杖期之服○不杖子按此齊衰三年之服○期者父在爲母妻出妻之子爲母父卒繼母嫁從爲之服報按此齊衰杖期之服○不杖麻屨者祖父母叔父母大夫之適子爲妻昆弟爲衆子昆弟之子大夫之庶子爲適昆弟適孫爲人後者爲其父母報女子子適人者爲其父母昆弟之爲父後者繼父同居者爲夫之君姑姊妹女子子適人無主者姑姊妹報爲君之父母妻長子祖父母妾爲女君婦爲舅姑夫之昆弟之子公妾大夫之妾爲其子女子子爲祖父母大夫之子爲世父母叔父母子昆弟昆弟之子姑姊妹女子子無主者爲大夫命婦者唯子女子不報大夫爲祖父母適

孫爲士者公妾以及士妾爲其父母援此齊衰不杖期之服○疏衰裳齊牡麻絰無受者寄公爲所寓丈夫婦人爲宗子宗子之母妻爲舊君君之母妻庶人爲國君大夫在外其妻長子爲舊國君繼父不同居者曾祖父母大夫爲宗子舊君曾祖父母爲士者如衆人女子子嫁者未嫁者爲曾祖父母援此齊衰三月之服

三年之喪考 禮記三年問曰三年之喪何也稱情而立文因以節羣別親疏貴賤之節而勿可損益也故曰無易之道也創鉅者其日久痛甚者其愈遲三年者稱情而立文所以爲至痛極也斬衰苴杖居倚廬食粥寢苦枕塊所以爲至痛飾也三年之喪二十五月而畢哀痛未盡思慕未忘然而服以是斷之者豈不送死有已復生有節也哉儀禮喪服曰斬衰裳苴絰杖絞帶冠繩纓菅屨者斬衰又曰疏衰裳齊牡麻絰冠布縷削杖布帶疏屨三年者父卒則爲母衰間傳曰斬衰貌若苴齊衰貌若枲斬衰之哭若往而不反齊衰之哭若往而反斬衰唯而不對齊衰對而言父母之喪居倚廬寢苦枕塊不稅帶絰

中庸集說啟蒙曰三年之喪不特子爲父母也適孫爲祖父爲長子繼世之君與爲人後者皆三年之喪故自庶人上達天子

期之喪考 儀禮喪服曰期者父在爲母妻出妻之子爲母父卒繼母嫁從爲之服報杖期不杖麻屨者祖父母世父母叔父母大夫之適子爲妻昆弟爲衆子昆弟之子大夫之庶子爲適昆弟適孫爲人後者爲其父母報○呂正叔曰期之喪有二有正統之期爲祖父者也有旁親之期爲世父母叔父母衆子昆弟之子也正統之期雖天子諸侯莫敢降旁親之期天子諸侯絕服而大夫降雖降猶服大功故曰期之喪達乎大夫也如旁親之期身爲大夫雖爲大夫亦不降所謂尊同則服其親之服也諸侯雖絕服旁親尊同亦不降所不臣者猶服之如始封之君不臣諸父昆弟封君之子不臣諸父而臣昆弟是也○援父在爲母期入子安乎不安乎唐律改齊衰三年明會典改斬衰今因之

總小功考 大功九月小功五月總麻三月 禮記間傳曰大功貌若止小功總麻容貌可也大功之哭三曲而儻小功總麻哀容可也大功言而不議小功總麻議而不樂註詳上居喪儀禮喪服曰小功布衰裳牡麻絰卽葛五月者從祖

祖父母從祖父母從祖昆弟從父姊妹



